

四庫全書

經部

欽定四庫全書

經部

春秋左傳注疏卷三十

詳校官監察御史臣王爾烈

給事中臣溫常綬覆勘

覆校官中書臣汪日章

校對官中書臣馮培

謄錄監生臣李鳳丹

欽定四庫全書

春秋左傳注疏卷三十

起襄公五年
終昭公九年

晉杜氏注 唐陸德明音義 孔穎達疏

經五年春公至自晉

夏鄭伯使公子發來聘注發子產父

叔孫豹鄆世子巫如晉注比魯大夫故書巫如晉音義

巫亡
無反

仲孫蔑衛孫林父會吳于善道注魯衛俱受命於晉故

不言及吳先在善道二大夫往會之故曰會吳善道地

闕疏

正義曰諸言及者皆魯君命之使與彼行故稱及

俱受命於晉非是魯君命蒧使與林父會吳故不言及也下文戚之會序吳於列書公會晉侯云云吳人鄫人于戚此不序吳於林父之下而別云會吳者為吳人先在善道蒧與林父往彼會之故云會吳也十年會吳于祖成十五年會吳于鍾離皆是吳在彼地往彼會之故殊會吳也公羊以為外吳言春秋內其國而外諸夏內諸夏而外夷狄故殊會以外之左氏無此義杜不從公羊故皆云吳在彼也下戚會不殊吳者來會于戚故與諸國同序列也

秋大雩

楚殺其大夫公子壬夫注書名罪其貪

公會晉侯宋公陳侯衛侯鄭伯曹伯莒子邾子滕子薛伯齊世子光吳人鄫人于戚注穆叔使鄫人聽命於會

故鄫見經不復殊吳者吳來會于戚音義見賢通反復扶又反下同

公至自會注無傳

冬戍陳注諸侯在戚會皆受命戍陳各還國遣戍不復

有告命故獨書魯戍疏

正義曰此戍陳及十年戍鄭虎牢傳二年城楚邱案傳皆諸國

同行而經獨書魯者城楚邱傳云不書所會後也彼為魯人後期諸侯已散故作獨城之文此則於戚之會受

命戍陳十年諸侯伐鄭於伐鄭受命戍鄭虎
牢還國各自遣戍更無告命故獨書魯戍也

楚公子貞帥師伐陳公會晉侯宋公衛侯鄭伯曹伯齊
世子光救陳十有二月公至自救陳注無傳

辛未季孫行父卒

傳五年春公至自晉注公在晉既聽屬鄆聞其見伐
遙命臧紇出救故傳稱經公至以明之。王使王叔

陳生愬戎于晉注王叔周卿士也戎陵虺周室故告

愬於盟主音義

愬悉路反
虺白報反

晉人執之士魴如京師言

王叔之貳於戎也注王叔反有二心於戎失奉使之

義故晉執之音義使所吏反。夏鄭子國來聘通嗣君也

注鄭僖公初即位。穆叔覲鄆太子于晉以成屬鄆

注覲見也前年請屬鄆故將鄆大子巫如晉以成之

音義

覲直歷反疏正義曰覲見釋詁文也前年魯請見賢通反屬鄆雖被晉許而鄆人未知故將

巫至晉以成之書曰叔孫豹鄆大子巫如晉言比諸魯大夫

也注豹與巫俱受命於魯故經不書及比之魯大夫

疏

正義曰巫若自受鄆命則豹當言及今巫來至魯魯侯命之令與豹同行與豹俱受魯命故經不言

及比之魯大夫也魯大夫兩人同行皆不言及文十八年公子遂叔孫得臣如齊定六年季孫斯仲孫何忌如晉其類皆是也。○吳子使壽越如晉注壽越吳大夫辭不

會于雞澤之故注三年會雞澤吳不至今來謝之且

請聽諸侯之好注更請會音義好呼報反晉人將為之合

諸侯使魯衛先會吳且告會期注以其道遠故使魯

衛先告期音義將為于偽反故孟獻子孫文子會吳于善

道注二子皆受晉命而行。○秋大雩旱也注雩夏祭

所以祈甘雨若旱則又修其禮故雖秋雩非書過也

然經與過雩同文是以傳每釋之曰旱也雩而獲雨

故書雩而不書旱

正義曰例稱龍見而雩是夏祭常禮所以祈甘雨也過時則書

若值歲旱則又修此雩禮而為祈禱故雖秋雩非書過也此是為旱而雩非常雩過時也但經書大雩則過雩旱雩無以相別故為旱而雩傳皆言旱以釋之釋例曰始夏而雩者為純陽用事防有災旱而祈之也至於四時之旱則又用此禮而求雨故亦曰雩經書雩而傳不以旱釋之者皆過雩也經書過雩則與旱雩不別故傳皆發之是解發傳言旱之意也雩為旱禱而不書旱者雩而獲雨故書雩而不書旱雩不得雨則書旱以明災成僖二十一年夏大旱是也雩而獲雨則書雩穀梁傳文也

○楚人討

陳叛故注討治也曰由令尹子辛實侵欲焉乃殺之

書曰楚殺其大夫公子壬夫貪也君子謂楚共王於是
是不刑注陳之叛楚罪在子辛共王既不能素明法
教陳叛之日又不能嚴斷威刑以謝小國而擁其罪
人興兵致討加禮於陳而陳恨彌篤乃怨而歸罪子
辛子辛之貪雖足以取死然共王用刑為失其節故

言不刑音義

共音恭斷
丁亂反

疏

正義曰釋例曰陳之叛楚
罪在子辛共王既不能明

法示教以肅大臣陳叛之日又不能嚴斷威刑以謝
小國而擁其罪人以興兵致討暴師經年加禮於陳
陳恨彌篤乃愠而歸罪于子辛子辛之貪雖足以取死
然共王用刑為失其節故君子論之以為不刑也加

禮於陳者謂四年楚將伐陳聞喪乃詩曰周道挺挺止是也不刑者言不得用刑之道也

我心扁扁講事不令集人來定注逸詩也挺挺正直

也扁扁明察也講謀也言謀事不善當聚致賢人以

定之音義

挺挺他頂反扁扁工迥反徐孔穎反

已則無信而殺人以逞

不亦難乎注共王伐宋封魚石背盟敗于鄢陵殺子

反公子申及壬夫八年之中戮殺三卿欲以屬諸侯

故君子以為不可音義

背音佩

疏

正義曰釋例以君子此言止為殺公子申

與壬夫二人而已此注又兼言殺子反者傳言已則無信尤共王也背盟而敗于鄢陵及殺子反皆是共

王無信之事故追言之也殺此三卿欲令諸侯息忿還來屬已故言欲以屬諸侯以屬諸侯者僖十九年傳文也逞訓解也共王殺此三人望解已意而諸侯不從意竟不解故云殺人以逞不亦難乎夏書

曰成允成功注亦逸書也允信也言信成然後有成

功疏

正義曰此虞書大禹謨之文禹是夏王故傳稱夏書杜不見古文故稱逸書亦亦前逸詩也彼

舜謂禹能成聲教之信成治水之功為二事此傳引之言共王無信故無成功杜順傳意言信成然後有一事也○九月丙午盟于戚會吳且命成陳也注公

及其會而不書盟非公後會蓋不以盟告廟疏

正義曰凡

諸侯會而盟者皆先會而後盟非先盟而後會既及其會知非後盟釋例曰盟于鄧盟于犂盟于戚公既

在會而不書其盟者以理推之會在盟前
知非後盟也蓋公還告會而不告盟也 穆叔以屬

鄫為不利使鄫大夫聽命于會注鄫近魯竟故欲以

為屬國既而與莒有忿魯不能救恐致譴責故復乞

還之傳言鄫人所以見於戚會音義

近附近之近下文陳近同竟音

境譴棄戰反復扶又反見賢遍反

○楚子囊為令尹注公子貞音義

囊乃郎反

范宣子曰我喪陳矣楚人討貳而立子囊必改

行注改子辛所行音義

喪息浪反行如字徐下孟反

而疾討陳注

疾急也陳近於楚民朝夕急能無往乎有陳非吾事

也無之而後可注言晉力不能及陳故七年陳侯逃

歸音義

朝夕如字

冬諸侯戍陳注備楚子囊伐陳十一月

甲午會于城棣以救之注公及救陳而不及會故不

書城棣城棣鄭地陳留酸棗縣西南有棣城音義

棣力

計反一音

疏

正義曰桓十五年公會宋公衛侯陳侯于襄伐鄭既會而伐并會焉之計此亦

當書會故解之公及救陳而不及其會故不書會

○季文子卒大夫入斂公

在位注在阼階西鄉音義

斂力艷反鄉許亮反

疏

正義曰喪大記云大夫之

喪將大斂既鋪絞給衾衣君至主人迎先入門右亟止于門外君釋菜祝先入升堂君即位于序端士喪

禮君若有賜焉則視斂既布衣君至君升自阼階西鄉以君臨士喪西鄉知臨大夫之喪即位序端者亦西鄉也鄭玄士冠禮注云阼猶酢也東階所以答酢賓客也堂東西牆謂之序劉炫又引記云君既即位序端卿大夫即位于堂廉楹西北面東上主人房外南面主婦尸西東面遷尸卒斂宰告主人降北面于堂下君撫之主人拜稽顙君降升主人馮之命主婦馮之士之喪將大斂君不在其餘禮猶大夫也

牢庀家器為葬備注庀具也音義

庀匹婢反

無衣帛之妾

無食粟之馬無藏金玉無重器備注器備謂珍寶甲

兵之物音義

衣於既反無食如字又音嗣重如字又置龍反

君子是以知季

文子之忠於公室也相三君矣而無私積可不謂忠

乎音義

相息亮反疏正義曰季孫行父以文六年見積子賜反疏經則為卿久矣宣公之初襄仲

執政宣八年仲遂卒後始文子得政故至今為相三君也

經六年春王三月壬午杞伯姑容卒

夏宋華弱來奔注華椒孫

秋葬杞桓公注無傳

滕子來朝

莒人滅鄆

冬叔孫豹如邾

季孫宿如晉注行父之子

十有二月齊侯滅萊注書十二月從告

傳六年春杞桓公卒始赴以名同盟故也注杞入春

秋未嘗書名桓公三與成同盟故赴以名疏

正義曰杞入春

秋以來惟僖二十三年杞成公卒用夷禮書杞子卒未嘗書杞君之名也世本杞桓公是成公之弟成公卒而桓公立至此七十一年唯成五年盟于蟲牢七年于馬陵九年于蒲魯杞俱在未嘗與襄同盟嫌其不合以名赴故傳發之釋例曰杞伯姑容未與襄同盟而事逮其父用同盟之禮蓋繼好之義也嫌於赴非所盟之君故傳曰○宋華弱與樂轡少相狎長相

始赴以名同盟故也

宋華弱與樂轡少相狎長相

優又相謗也注狎親習也優調戲也音義

狎少詩照反
戶甲反

長丁丈反

疏

正義曰論語云雖狎必變曲禮云賢者狎而敬之狎是相褻慢相貫習之名也

二十八年傳稱慶氏之徒觀優至於魚里是優為戲名也晉語有優施史記滑稽傳有優孟優旃皆善為

優遂以優著名是優為調戲也

子蕩怒以弓桡華弱于朝注子蕩樂

轡也張弓以貫其頸若械之在手故曰桡音義

桡古毒反

貫古疏

正義曰貫者穿也張弓以貫沓其頸頸穿於亂反疏弓之中故曰貫其頸周禮掌囚有桡桡在手

曰桡在足曰桡頸貫於弓若手在桡故云以弓桡也桡桡俱名為械釋名云械者戒也戒止人使不得遊

也行

平公見之曰司武而桡於朝難以勝矣注司武司

馬言其懦弱不足以勝敵音義

懦乃亂反又乃卧反

遂逐之夏

宋華弱來奔司城子罕曰同罪異罰非刑也專戮於

朝罪孰大焉亦逐子蕩子蕩射子罕之門曰幾日而

不我從注言我射女門女亦當以不勝任見逐音義

射食亦反注同幾居豈反女音汝勝音升

子罕善之如初注言子罕雖見

辱不追忿所以得安疏

正義曰子罕以華弱奔後而發此言蓋以告諸大夫非告

君也亦逐子蕩一句亦是子罕之語說子蕩之罪言亦宜逐子蕩也子蕩恐即被逐故射子罕之門宋亦不復逐之子蕩作被逐之意故云幾日而不我從也宋人不復更逐故子罕善之如初不恨其射門也或

當實遜于蕩故于蕩云幾日而不我從理亦通也注
正義曰服虔云言子罕不阿同族亦遜樂轡以正國
法忠之至也及樂轡射其門畏從華弱之罰復善樂
轡如初是為茹柔吐剛喪其志矣傳故舉之明春秋
之義善惡俱見杜以春秋之世君弱臣強莫不盖失
掩罪以相忍為國向成欲盖華臣子罕不怨樂轡皆
忍忿求安之事不足以為大尤知傳載此。秋滕成
言是善其得安非尤其從惡故異於服也。

公來朝始朝公也。莒人滅鄆鄆恃賂也注鄆有貢

賦之賂在魯恃之而慢莒故滅之。冬穆叔如邾聘

且脩平注平四年狐駘戰。晉人以鄆故來討曰何

故亡鄆注鄆屬魯恃賂而慢莒魯不致力輔助無何

以還晉尋便見滅故晉責魯季武子如晉見且聽命

注始代父為卿見大國且謝亡鄙聽命受罪音義

見賢

遍反疏正義曰昭二年晉韓宣子來聘傳曰告為政

注同

疏而來見也大國正卿尚來見小國知此傳言

見者是始代父為政卿往見於大國也

○十一月齊侯滅萊萊恃謀也

注賂夙沙衛之謀也事在二年於鄭子國之來聘也

四月晏弱城東陽而遂圍萊注子國聘在五年二年

晏弱城東陽至五年四月復託治城因遂圍萊音義

復扶又反

甲寅堙之環城傳於堞注堞女牆也堙土山也

周城為土山及女牆音義

堙音因環戶關反又音患
傳音附堞音牒一名俾亦

謂之俾倪

正義曰兵書攻城有為堙之法宣十五
徐養涉反疏年公羊傳曰子反乘堙而窺宋城是堙

為土山使高與城等而攻之也言環城
是環遠其城知周而其城為土山也

及杞桓公卒

之月注此年三月乙未王湫帥師及正與子棠人軍

齊師注王湫故齊人成十八年奔萊正與子棠大夫

棠萊邑也北海即墨縣有棠鄉三人帥別邑兵來解

圍音義

湫子小反
徐子烏反

齊師大敗之注敗湫等丁未入萊

萊共公浮柔奔棠正與子王湫奔莒莒人殺之四月

陳無宇獻菜宗器于襄宮注無宇桓子陳完玄孫襄

宮齊襄公廟音義

共音恭

晏弱圍棠十一月丙辰而滅

之遷菜于鄉注遷菜子于鄉國音義

遷菜于鄉五兮反本或作遷于

鄉菜疏

正義曰鄉即小邾也二年傳曰滕薛小邾之不至皆齊故也小邾附屬於齊故滅菜國而

遷其君於小邾使之寄居以終身也

高厚崔杼定其田注定其疆界高

厚高固于音義

疆居良反

經七年春鄭子來朝音義

鄭音談

夏四月三卜郊不從乃免牲注稱牲既卜日也卜郊又

非禮也疏

正義曰周禮大宰職云祀五帝前期十日帥執事而卜日然則將祭十日之前預卜之蓋

一句一卜也例稱啓蟄而郊建寅之月也此四月三卜蓋三月二卜四月又一卜也春分之前猶是啓蟄節內於法仍可以郊據傳獻子之言三卜在春分之後則初卜即已大晚故三卜而涉於春分也人心欲其吉不吉是不從不從則不郊故免牲而不殺也注正義曰僖三十一年夏四月四卜郊不從乃免牲傳曰禮不卜常祀而卜其牲日牛卜日曰牲牲成而卜郊上怠慢此經與彼正同唯四卜三卜為異耳彼言其非則此亦非也牛已稱牲是既卜日矣牲既成矣而又卜郊與僖同議故云又非禮也

小邾子來朝

城費注南遺假事難而城之音義

費音秘難

疏

正義曰此傳唯

說南遺請城之由不言時與不時則知南遺假託言有事難而請城之

秋季孫宿如衛

八月螽注無傳為災故書

冬十月衛侯使孫林父來聘壬戌及孫林父盟

楚公子貞帥師圍陳

十有二月公會晉侯宋公陳侯衛侯曹伯莒子邾子于

鄆注謀救陳陳侯逃歸不成救故不書救也鄆鄭地音

義鄆于軌反字疏正義曰楚既圍陳而陳侯亦列於會林几吹反者當是圍之不密故陳侯得出會求

救也陳侯逃歸陳遂屬楚諸侯不與楚戰各自罷歸不成為救故不書救也

鄭伯髡頑如會未見諸侯丙戌卒于鄆注實為子駟所弑以瘡疾赴故不書弑稱名為書卒同盟故也如會會

于鄆也未見諸侯未至會所而死鄆鄭地不欲再稱鄭

伯故約文書其名於會上音義

鄆七報反又采南反字林千消反弑音試下同

為書于偽反上時掌反

疏正義曰魯之隱閔實被弑而書薨諱而不言弑則亦不以被弑赴諸侯此鄭伯

實為子駟所弑而以瘡疾赴於諸侯亦如隱閔之類諱而不言弑故魯史不得書弑也穀梁傳曰禮諸侯不生名此其生名何也卒之名也卒之名則何為加之如會之上見以如會卒也是言書名為書卒而稱之也三年

盟于雞澤五年盟于戚魯鄭俱在同盟故赴以名法當
書名故進名於上其名本為下卒非是生名之也如會
者會諸侯于鄆欲往赴其會也公羊傳曰未見諸侯其
言如會何致其意也原其意本欲往會故書之也未見
諸侯言其未至會所而死非至會而不見
也書卒于鄆者赴以所卒之地故書之

陳侯逃歸注畏楚逃晉而歸

傳七年春郊子來朝始朝公也。夏四月三卜郊不
從乃免牲孟獻子曰吾乃今而後知有卜筮夫郊祀

后稷以祈農事也注郊祀后稷以配天后稷周始祖

能播殖者疏

正義曰言后稷周之始祖能播殖者辨
知后稷是何人不為能播殖故祀以祈

農事自謂郊天以祈農耳案孝經云孝莫大於嚴父嚴父莫大於配天則周公其人也昔者周公郊祀后稷以配天宗祀文王於明堂以配上帝止云配天而祀之不言祈農也郊特牲說郊天之義曰萬物本乎天人本乎祖此所以配上帝也郊之祭也大報本反始也宣三年公羊傳曰郊則曷為必祭稷王者必以其祖配王者則曷為必以其祖配自內出者無匹不行自外至者無主不止何休云天道闇昧故推人道以接之不以文王配者重本尊始之義也據此諸文則郊祭天者為物本於天故祭天以報本神必須配故推祖以配天止報生成之恩非求未來之福此傳專言郊祀社稷主為祈農事者斯有旨矣祭祀者為報己往非求將來之福也但祭為明神所享神以將來致福將來而獲多福乃由祭以得之禮器稱君子曰祭祀不祈祭者意雖不祈其實福以祭降以祭獲福即祈之義也宗廟之祭緣生事死盡其孝順之心

非求耕稼之利少牢饋食者大夫之祭禮也其祭之
末尸嘏主人使女受福于天宜稼于田彼豈為田而
祭哉神以宜田福之耳郊天之義亦由是也神以人
為主人以穀為命人以精意事天天以宜稼祐人以
此謂之祈農本意非祈農也詩噫嘻序曰春夏祈穀
于上帝禮仲春之月月令曰是月也天子乃以元日
祈穀于上帝即是郊天之祭也其下即云乃擇元辰
天子親載耒耜躬耕帝籍是郊而後耕也獻子此言
正與禮合孝經只言尊嚴其父主述孝子之志本意
不說郊天之祭無由得有祈穀之言何休膏肓執彼
難此追而想之是故啓蟄而郊郊而後耕今既耕而
亦可以數息也

卜郊宜其不從也注啓蟄夏正建寅之月耕謂春分

音義

蟄直立反
夏戶雅反

疏

正義曰釋例曰歷法正月節立春
啓蟄為中氣二月節驚蟄春分為

中氣是啓蟄為夏正建寅之月中氣也月令祈穀之後即擇日而耕初耕亦在正月傳言既耕而卜郊宜其不從是此卜之時已涉春分之節時過不復可郊故言耕謂春分指釋獻子言耕是春分之節不謂春分始可耕也釋例又曰僖公襄公夏四月卜郊但識其非所宜卜不識其四月不可郊也孟獻子曰啓蟄而郊郊而後耕耕謂春分也言得啓蟄即當卜郊不得過春分也是言此卜在春分之後故獻子識之據傳獻子此言郊天之禮必用周之三月而雜記云孟獻子曰正月至可以有事於上帝七月日至可以有事於祖七月而禘獻子為之也此與禮記俱稱獻子二文不同必有一謬禮記後人所錄左傳當得其真若七月而禘獻子為之則當獻子之時應有七月禘者燕嘗過則書禘過亦宜書何以獻子之時不書七月禘也足知禮記之言非獻子矣

○南遺為費宰注費季氏邑叔仲

昭伯為隧正注隧正主役徒昭伯叔仲惠伯之孫音

義

隧音

疏

正義曰九年注云隧正官名五縣為隧則隧正當周禮之遂人也掌諸遂之政令徒

役出諸遂之民故為主役者

欲善季氏而求媚於南遺謂遺請城

費注使遺請城吾多與而役故季氏城費注傳言祿

去公室季氏所以強。小邾穆公來朝亦始朝公也

注亦邾子也。秋季武子如衛報子叔之聘且辭緩

報非貳也注子叔聘在元年言國家多難故不時報

音義

難乃旦反

冬十月晉韓獻子告老公族穆子有廢

疾注穆子韓厥長子成十八年為公族大夫音義

長丁

丈反下
師長同

將立之注代厥為卿辭曰詩曰豈不夙夜謂

行多露注詩言雖欲早夜而行懼多露之濡已義取

非禮不可妄行疏

正義曰詩國風召南行露之首章也言人行者豈不欲早夜而行乎

謂早夜而行則多露濡已義取非禮不可以妄行穆子引之言非其才不可以妄居官位

又曰弗

躬弗親庶民弗信注詩小雅言譏在位者不躬親政

事則庶民不奉信其命言已有疾不能躬親政事疏

正義曰此詩小雅節南山之篇詩注云言王之政不躬而親之則恩澤不信於衆民矣

無忌不

才讓其可乎請立起也注無忌穆子名起無忌弟宣

子也與田蘇游而曰好仁注田蘇晉賢人蘇言起好

仁音義

好呼報反
注及下同

詩曰靖共爾位好是正直神之聽

之介爾景福注靖安也介助也景大也詩小雅言君

子當思不出其位求正直之人與之竝立如是則神

明順之致大福也音義

共音恭下注同介
音界下及注同

疏正義曰
定本介

景皆為
大也

恤民為德注靖共其位所以恤民疏

正義曰
天生烝

民立君以牧之君不獨治為臣以佐之君之與臣皆
為恤民而設之也能安靖共敬在其職位是其所以

也憂民

正直為正注正己心正曲為直注正人曲參和

為仁注德正直三者備乃為仁音義

參七南反或作三

如是

則神聽之介福降之立之不亦可乎注言起有此三

德故可立疏

正義曰詩小雅小明之篇言人能安靖共敬以居爾之職位愛好正直之人與

之共處於朝則神明聽順之當助女以大福也既引詩文又述其意能愛念下民是為德也正直己心是為正也能以己正正人之曲是為直也此德也正也直也三者和備是為仁也人能如是則神明聽順之大福降與之田蘇是知人者也田蘇言起好仁起必備有此行立之不亦可乎

庚戌使宣子

朝遂老注韓厥致仕晉侯謂韓無忌仁使掌公族大

夫注為之師長疏

正義曰無忌先為公族大夫今言使掌是與諸公族大夫為師長也

○衛孫文子來聘且拜武子之言注緩報非貳之言

而尊孫桓子之盟注盟在成三年公登亦登注禮登

階臣後君一等音義

後胡豆反下文不後寡君同

疏

正義曰聘禮公迎賓于大

門內及廟門公揖入立于中庭納賓賓入三揖至于階三讓公升二等鄭玄云先賓升二等亦欲君行一臣行二言君先升二等然後臣始

升一等是禮登階臣當後君一等

叔孫穆子相趨進

曰諸侯之會寡君未嘗後衛君注敵體竝登音義

相息

亮反下駟相同嘗後如字徐胡豆反

今吾子不後寡君寡君未知所過

吾子其少安注安徐也孫子無辭亦無悛容注悛改

也音義

悛七全反

穆叔曰孫子必亡為臣而君過而不悛

亡之本也詩曰退食自公委蛇委蛇注委蛇順貌詩

召南言人臣自公門入私門無不順禮音義

委於危反蛇以

支反下同
召上照反

謂從者也注從順行衡而委蛇必折注衡

橫也橫不順道必毀折為十四年林父逐君起本疏

正義曰詩國風召南羔羊之篇言大夫賢者退朝而食從公門入私門委蛇委蛇然委蛇順從之貌詩之

此意謂順者也今孫子為臣而君自處是橫不順道以橫道而為委蛇其人必將毀折不得終其職位

○楚子囊圍陳會于鄒以救之注晉會諸侯。鄭僖

公之為大子也於成之十六年注魯成公疏

正義曰杜必言

魯成公者欲明非鄭成公也知非者以鄭成公成七年即位至襄二年卒唯十四年無十六年故也與

子罕適晉不禮焉又與子豐適楚亦不禮焉注子豐

穆公子及其元年朝于晉注鄭僖元年魯襄三年子

豐欲翹諸晉而廢之子罕止之及將會于鄒子駟相

又不禮焉侍者諫不聽又諫殺之及鄒子駟使賊夜

弑僖公而以瘡疾赴于諸侯注傳言經所以不書弑

簡公生五年奉而立之注僖公子。陳人患楚注楚圍陳故慶虎慶寅謂楚人曰吾使公子黃往而執之

注二慶陳執政大夫公子黃哀公弟疏

正義曰於時楚師圍陳使

公子黃往入楚軍也

楚人從之注為執黃音義

為于偽反

二慶使告

陳侯于會注鄒之會曰楚人執公子黃矣君若不來

羣臣不忍社稷宗廟懼有二圖注背君屬楚音義

背音

佩

陳侯逃歸注鄒會所以不書救

經八年春王正月公如晉

夏葬鄭僖公注無傳

鄭人侵蔡獲蔡公子燮注鄭子國稱人刺其無故侵蔡

以生國患燮蔡莊公子音義

燮息協反

疏

正義曰此決舍之入陳鄭有宿怨此

時與蔡無怨晉復無命使侵無故興師以生國患以其動而無謀故貶之釋例曰陳蔡楚之與國鄭欲求親於晉故伐而入之晉士莊伯詰其侵小且問陳之罪子產答以東門之役故免於譏及其侵蔡既無晉令又無直辭君死主少興師以求媚於晉不能以德懷親以直報怨故二大夫異於子產也陳之見伐本以助晉晉不逆勞而以法詰之得盟主道理故仲尼曰晉為伯鄭入陳非文辭不為功善之也

季孫宿會晉侯鄭伯齊人宋人衛人邾人于邢邱注時

公在晉晉悼難勞諸侯唯使大夫聽命故季孫在會而

公先歸音義

邢徐音刑難乃旦反

疏

正義曰公以正月如晉此會之下始云公至則晉侯適會

公乃歸魯季孫蓋從公朝晉即從晉赴會故季孫在會而公先歸

公至自晉注無傳

莒人伐我東鄙

秋九月大雩

冬楚公子貞帥師伐鄭

晉侯使士匄來聘

傳八年春公如晉朝且聽朝聘之數注晉悼復脩霸

業故朝而稟其多少音義

復扶又反霸本亦作伯音霸又如字疏曰昭

三年鄭子大叔云文襄之霸也令諸侯三歲而聘五歲而朝自襄以後晉德少衰諸侯朝聘無復定準今晉悼復修霸業更合諸侯故公朝晉而稟其多少如公朝者蓋亦非一晉侯謀不敢在國約束故出外合之又難煩諸侯使大夫聽命故為邢邱之會以命朝聘之數數之多少傳亦無文據子大叔之言不說悼公之法而遠陳文襄之令則悼公此命還同文襄耳非復別制法也鄭羣公子以僖

公之死也謀子馬子駒

先之夏四月庚辰辟殺子狐

子熙子侯子丁注辟罪也加罪以戮之音義

先悲薦反又如

字辟婢亦反注同疏正義曰辟罪釋詁文也不直言熙許其反徐音怡殺而云辟殺明是加誣以罪而

殺之子駟知其謀已不以罪殺恐動衆心故加誣以罪言其罪自當死非為已討所以自解說也孫

擊孫惡出奔衛注二孫子狐之子疏正義曰賈逵云然未必有文可

據相傳為此說也。庚寅鄭子國子耳侵蔡獲蔡司馬公子

燮注鄭侵蔡欲以求媚於晉子耳子良之子不言敗

唯以獲告疏正義曰於時鄭無蔡怨又無晉令鄭自發心侵蔡知欲求媚於晉也獲其將必

與之戰戰敗乃獲之不言鄭人皆喜唯子產不順注

敗者唯以獲告不告敗也子產子國子不順衆而喜曰小國無文德而有武功

禍莫大焉楚人來討能勿從乎從之晉師必至晉楚
伐鄭自今鄭國不四五年弗得寧矣子國怒之曰爾
何知國有大命而有正卿童子言焉將為戮矣注大
命起師行軍之命。五月甲辰會于邢邱以命朝聘
之數使諸侯之大夫聽命季孫宿齊高厚宋向戌衛
甯殖邾大夫會之注晉難重煩諸侯故使大夫聽命
鄭伯獻捷于會故親聽命注獻蔡捷也大夫不書尊
晉侯也注晉悼復文襄之業制朝聘之節儉而有禮

德義可尊故退諸侯大夫以崇之疏

正義曰禮卿不

之稱人自是常例而云尊晉侯者此有鄭伯在會自與晉侯相敵諸卿不敵晉侯無罪不合貶也但欲尊晉侯無辭以見之故貶大夫以尊之大夫非有罪也文二年晉宋陳鄭四國之卿伐秦皆貶稱人尊秦謂之崇德其意與此同也諸侯之卿皆貶而獨不貶季孫宿者文元年公孫叔會晉侯于戚注云禮卿不會公侯而春秋魯大夫皆不貶者體例已舉故據用魯史成文是其義也言儉而有禮德義可尊者難煩諸侯使大夫聽命亦是有禮之事也

○莒人伐我東鄙以疆鄆田注莒

既滅鄆魯侵其西界故伐魯東鄙以正其封疆音義

疆居良反注同

○秋九月大雩旱也。冬楚子囊伐鄭討其

侵蔡也子駟子國子耳欲從楚子孔子蟯子展欲待

晉注待晉來救子孔穆公子子蟯子游子子展子罕

子音義蟯居表反子駟曰周詩有之曰俟河之清人壽幾

何注逸詩也言人壽促而河清遲喻晉之不可待音

義壽音授或如字注同幾居豈反兆云詢多職競作羅注兆卜詢謀

也職主也言既卜且謀多則競作羅網之難無成功

音義難乃疏且謀多如杜此言則云是語解謀之多

族民之多違注族家也事滋無成注滋益也民急矣

姑從楚以紓吾民晉師至吾又從之敬共幣帛以待

來者小國之道也犧牲玉帛待於二竟注二竟晉楚

界上音義

紓音舒共音恭
竟音境注同

以待彊者而庇民焉寇不

為害民不罷病不亦可乎子展曰小所以事大信也

小國無信兵亂日至亡無日矣五會之信注謂三年

會雞澤五年會戚又會城棣七年會鄆八年會邢邱

音義

庇必利反又音疏正義曰鄆之會鄭伯未至而
祕下同罷音皮疏卒亦數之者鄭伯雖身死耳

其會與鄭同
謀故數之

今將背之雖楚救我將安用之注言失

信得楚不足貴音義

背音佩至卷末皆同

親我無成注晉親鄭

鄙我是欲注楚欲以鄭為鄙邑而反欲與成不可從

也注言子駟不可從不如待晉晉君方明四軍無闕

八卿和睦必不棄鄭注四軍謂上中下新軍也軍有

二卿疏

正義曰八卿者據元年傳荀罃將中軍士匄佐之荀偃將上軍韓起佐之欒黶將下軍士

魴佐之趙武將新軍魏絳佐之

楚師遼遠糧食將盡必將速歸何患

焉舍之聞之注舍之子展名杖莫如信完守以老楚

杖信以待晉不亦可乎子駟曰詩云謀夫孔多是用

不集注詩小雅孔甚也集就也言人欲為政是非相

亂而不成音義

杖直亮反下同守手又反或如字下守官竝注同

發言盈庭

誰敢執其咎注言謀者多若有不善無適受其咎音

義

咎其九反下同適丁歷反下同

如匪行邁謀是用不得于道注匪

彼也行邁謀謀於路人也不得于道衆無適從疏

正義

曰詩小雅小旻之三章也言謀事之失甚多是非相奪無可適從為是之故其事用此益不成也發言訕訕而盈滿于庭無能決當是非事若不成誰敢執其咎責者如彼道上行人每得人即與之謀意無所從為是之故用此不得于正道也注正義曰鄭玄以匪為非如非行邁之謀言止而不行坐圖遠近也杜以

如者如似他物故以匪為彼言如彼行人逢值歧路問其所從也鄭以行為道邁為行言道上行人杜亦

然當

請從楚駢也

受其咎注駢子駢名音義駢芳

非反

乃及

楚平使王子伯駢告于晉曰注伯駢鄭大夫音義駢

披駢

賢反又披經反

君命敝邑脩而車賦倣而師徒以討亂畧蔡

人不從敝邑之人不敢寧處悉索倣賦注索盡也音

義

倣居領反索悉各反注同一音所百反

以討于蔡獲司馬燮獻于邢

邱今楚來討曰女何故稱兵于蔡注稱舉也音義

女音

汝

焚我郊保注郭外曰郊保守也馮陵我城郭注馮

迫也音義

馮皮冰反注同

敝邑之衆夫婦男女不遑啓處以

相救也注遑暇也啓跪也音義

跪其疏正義曰皆釋威反言文也舍人

曰間暇無事也李巡曰啓小跪也

翦焉傾覆無所控告注翦盡也控

引也音義

覆芳服反控告貢反

民死亡者非其父兄卽其子弟

夫人愁痛注夫人猶人人也音義

夫音扶注同

不知所庇

民知窮困而受盟于楚孤也與其二三臣不能禁止

注孤鄭伯不敢不告知武子使行人子員對之曰君

有楚命注見討之命亦不使一介行李告于寡君注

一介獨使也行李行人也音義

介古賀反注同獨使所吏反

而卽

安于楚君之所欲也誰敢違君寡君將帥諸侯以見

于城下唯君圖之注為明年晉伐鄭傳音義

見賢遍反或如

字○晉范宣子來聘且拜公之辱注謝公此春朝告

將用師于鄭公享之宣子賦標有梅注標有梅詩召

南標落也梅盛極則落詩人以興女色盛則有衰衆

士求之宜及其時宣子欲魯及時共討鄭取其汲汲

相赴音義

標徐披妙反又披表反興許應反

季武子曰誰敢哉注言

誰敢不從命今譬於草木寡君在君君之臭味也注

言同類音義

譬本亦作辟音譬後放此

歡以承命何時之有注遲

速無時武子賦角弓注角弓詩小雅取其兄弟婚姻

無相遠矣賓將出武子賦彤弓注彤弓天子賜有功

諸侯之詩欲使晉君繼文之業復受彤弓於王音義

彤徒冬反復扶又反

宣子曰城濮之役注在僖二十八年音義

濮音卜

我先君文公獻功于衡雍受彤弓于襄王以為

子孫藏注藏之以示子孫音義

雍於用反藏如字徐才浪反

句也

先君守官之嗣也敢不承命注言已嗣其父祖為先

君守官不敢廢命欲匡正君君子以為知禮注彤弓

之義義在晉君故范匄受之所謂知禮疏正義曰文四年甯俞

來聘為賦彤弓甯俞不敢當此賦彤弓而宣子受之故解其意彼以彤弓當甯俞故甯俞不敢受此賦彤

弓其義在於晉君非當范匄故范匄受之而為知禮也

經九年春宋災注天火曰災來告故書疏則正義曰得告

例於此須言告者公羊傳曰外災不書此何以書為王者之後記災也曷為或言災或言火火大者曰災小者曰火然則內何以不言火內不言火者甚之也公羊此言不可通於左氏故杜明為此注以異之

夏季孫宿如晉

五月辛酉夫人姜氏薨注成公母

秋八月癸未葬我小君穆姜注無傳四月而葬速

冬公會晉侯宋公衛侯曹伯莒子邾子滕子薛伯杞伯
小邾子齊世子光伐鄭十有二月己亥同盟于戲注伐

鄭而書同盟則鄭受盟可知傳言十有一月己亥以長

曆推之十二月無己亥經誤戲鄭地音義
戲許疏正義
宜反疏曰成

十七年夏公會尹子云云伐鄭六月乙酉同盟于柯陵
於時鄭實不服諸侯自同盟耳鄭不與盟也此注云伐

鄭而書同盟則鄭受盟可知者此盟鄭與傳文分明不
是準約同盟之文始知鄭與盟也杜言此解經於盟不
書鄭伯之意耳經若重序諸侯必常鄭伯在列但經已
前目諸侯不復重序鄭伯不見故特解之以其伐鄭而
書同盟則鄭與盟可知同盟之文足以包鄭故不復見
鄭伯耳非謂因伐而同盟者所伐之國必與也柯陵之
盟鄭實不服諸侯自相與盟非同鄭也文同事異不可
執彼以難此十一年諸侯伐鄭同盟于亳城北其文與
此同矣此經書十二月己亥同盟于戲傳言十一月己
亥同盟于戲經傳不同必有一誤而傳於戲盟之下更
言十二月癸亥門其三門己亥在癸亥之前二十四日
杜以長歷推之十一月庚寅朔十日得己亥十二月己
未朔五日得癸亥故長歷參校上下己亥在十一月十
日又十二月五日有癸亥則其月不得有己亥經書十
二月誤也此誤者唯以一字誤為二非書經誤也

楚子伐鄭

傳九年春宋災樂喜為司城以為政注樂喜子罕也

為政卿知將有火災素戒為備火之政疏

正義曰文七年及成

十五年二傳言宋六卿之次皆云右師左師司馬司徒司城司寇其右師最貴故華元曰我為右師君臣之訓師所司也然則宋國之前當右師為政卿今言司城為政卿者蓋宋以華閱是華元之子以元有大功使閱繼其父耳子罕賢知故特使為政齊任管夷吾魯任叔孫婁皆位卑而執國政此亦當然也此傳言以為政者以為救火之政耳但從此以後歷檢傳文鄭人討賊宋人獻玉扶築臺之謳削向戌之賞皆是政卿之任故言為政卿也下晉侯云宋災於是乎知有天道是宋人自知天道當有火災故子罕素相

戒勅為備火之政也自伯氏司里以下巷伯徹宮以上皆是子罕素戒之也其享祀之事是政卿命之非

子罕

使伯氏司里注伯氏宋大夫司里里宰疏

正義曰釋

言曰里邑也李巡云里居之邑也是里為邑居之名也周禮五鄰為里以五鄰必同居故以里為名里長謂之宰周禮里宰每里下士一人謂六遂之內二十五家之長也此言司里謂司城之內民若今城內之坊里也里必有長不知其官之名周禮有里宰故以宰言之非是郊外之民二十五家之長也使伯氏司此城內諸里之長令各率里內之民表火道以來皆使此伯氏率里民為之

火所未至徹

小屋塗大屋注大屋難徹就塗之陳畚揭具緹缶注

畚簣籠揭土舉緹汲索缶汲器音義

畚音本草器也揭九錄反緹古

杏反汲水索缶方九反汲水瓦器簣其位疏正義曰說文云

反龍力東反簣音預汲音急索悉各反

春蒲器所以盛糧也宣二年注云春以草索為之其器可以盛糧又可以盛土也論語稱為山用簣是簣

為盛土之器故以春為簣龍也說文云揭戟持也戟持者執持此舉其臂如戟形故也其字從手謂以手

持物也與春共文春是盛土之器則揭是舉土之物也綆者汲水之索儀禮謂之綆方言云自關而東周

洛韓魏之間謂之綆關西謂之綆釋器云盜謂之缶說文云缶瓦器所以盛酒漿亦謂之罍罍可以汲水

故云汲器也易井卦亦謂取井水為汲也**備水器注**盆鹽之屬音義鹽戶

疏正義曰周禮凌人春始治鑑鄭玄云鑑如甄大口以盛水則鑿是盛水之器知備水器者備盆鑿之

屬

量輕重注計人力所任音義

任音

蓄水潦積土塗

巡丈城繕守備注巡行也丈度也繕治也行度守備

之處恐因災作亂音義

蓄本又作畜勅六反濂音老守手又反注守備同巡行下

孟反下同度待洛疏正義曰十尺為丈巡行其反下同處昌慮反

城以丈度之故云丈城

表火

道注火起則從其所趨標表之音義

標必遙反

使華臣具

正徒注華臣華元子為司徒正徒役徒也司徒之所

主也疏

正義曰周禮大司徒掌徒庶之正令小司徒凡用衆庶則掌其政教凡國之大事致民是

司徒掌役徒也言具正徒司里所使遂正所納皆是臨時調民而役之若今之夫役也司徒所具正徒者常共官役若

令隧正納郊保奔火所注隧正官名也

五縣為隧納聚郊野保守之民使隨火所起往救之

疏

正義曰此隧正當天子之遂大夫故遂大夫職云各掌其遂之政令遂人職云五家為鄰五鄰為里

四里為鄣五鄣為鄙五鄙為縣五縣為遂鄭司農云王國百里內為六鄉外為六遂鄭玄云郊內比閭族黨州鄉郊外鄰里鄣鄙縣遂異其名者示相變耳尚書費誓云魯人三郊三遂然則諸侯之有鄉遂亦以郊內郊外別之也郊內屬鄉者近於國都司徒自率之以入城矣郊外屬遂者是郊野保守之民不可全離所守司徒令遂正量其多少納之於國隨火所起而奔往救之華臣直言具正徒不言其事者以是郊內之民共救火百役即上蓄水潦積土塗之類非唯救火而已若郊保之民既遠故使隨火所起奔往救之直救

火而已使華閱討右官官庀其司注亦華元子代元

為右師討治也庀具也使具其官屬音義

閱音悅庀芳婢反注

同 向戌討左亦如之注向戌左師使樂造庀刑器亦

如之注樂造司寇刑器刑書音義

造市專反疏正義曰此

器知其為司寇也恐其為火所焚當是國之所重必
非刑器為刑書也哀三年魯人救火云出禮書御書
書不名器此言刑器必載於器物鄭鑄刑書而叔向
責之晉鑄刑鼎而仲尼譏之彼鑄之於鼎以示下民
故譏其使民知之此言刑器必不在鼎當書於器物
官府自掌之不知其在何器也或書之於版號此版

為刑器耳

使皇鄔命校正出馬工正出車備甲兵庀武守

注皇鄔皇父充石之後校正主馬工正主車使各備

其官音義

鄭音云本亦作員音同校戶教反注同出馬如字徐尺遂反下同守手又反下同

疏

正義曰服虔云皇鄭皇父充石之後十世宗卿為人之子大司馬椒也車馬甲兵司馬之職使皇鄭

掌此事皇鄭必是司馬也校正主馬於周禮為校人是司馬之屬官也周禮司馬之屬無主車之官巾車車僕職皆掌車乃為宗伯之屬昭四年傳云夫子為司馬與工正書服是諸侯之官司馬之屬有工正主車也國有火災恐致姦寇故使司馬命此二官出車馬備甲兵以防非常也傳言庀武守者甲兵器械藏於府庫若今武庫使其守守此武庫也此事輕於車馬故後言之

使西鉏吾庀府守

注鉏吾大宰也府六官之典音義

鉏吾音魚疏正義曰鉏吾大宰傳

無其文賈逵云然相傳說耳不知其本何所出也周禮大宰之職掌建邦之六典以佐王治邦國一曰治

典二曰教典三曰禮典四曰政典五曰刑典六曰事
典六官之典謂此也杜以此為六官之典當謂六官
之典其事載之於書故使具官守劉炫以為府守謂
府庫守藏今知不然者以百司府藏已屬左右二師
上華閱討右官官庀其司向戌討左亦如之則是府
庫之物二師總令羣官所主宋哀三年魯遭火災出
禮書御書藏象魏皆以典籍為重明此府守是六官
之典若以為府庫財物便是不重六典唯貴財物劉
以為府庫而規杜非也

令司宮巷伯倣宮注司宮奄臣巷伯寺

人皆掌宮內之事音義

倣音景

疏

正義曰昭五年傳楚子欲以羊舌盱為司

宮欲加宮刑以此知司宮奄臣謂奄人為臣主司宮
內周禮無司宮巷伯之官唯有內小臣奄上士四人
掌王后之命正其服位鄭玄云奄稱士者異其賢也
奄人之官此最為長則司宮當天子之內小臣也周

禮又云寺人王之正內五人鄭玄云正內路寢也釋宮云宮中巷謂之壺孫炎曰巷舍間道也王肅云今後宮稱永巷是巷者宮內道名伯長也是宮內門巷之長也周禮內小臣其次即有寺人故知巷伯是寺人也又以詩篇名巷伯經云寺人孟子作為此詩故知巷伯寺人一也鄭以巷伯為內小臣既無明文各

以意說

二師令四鄉正敬享注二師左右師也鄉正鄉

大夫享祀也疏

正義曰周禮大司徒云五家為比五

比為閭四閭為族五族為黨五黨為州五州為鄉鄉大夫每鄉卿一人天子六卿即以卿為之長此傳云二師令四鄉正則別立鄉正非卿典之但其所職掌常天子之鄉大夫耳周禮鄉大夫各掌其鄉之政教正月之吉受教法于司徒退而頒之于其鄉則鄉正當屬司徒此傳言二師命之者上文右師討右左師討左則宋國之法二師分掌其方左

右各掌其二鄉并言其事故云二師令四鄉正也費
誓云魯人三郊三遂則魯立三鄉此云命四鄉正則
宋立四鄉也周禮鄉為一軍大國三軍宋是大國不
過三軍而有四鄉者當時所立非正法也於時宋置
六卿况四鄉乎周禮祭人鬼曰享故享為祀也止令
敬享不知所享何神周禮大祝國有天災彌祀社稷
禱祠鄭玄云天災疫癘水旱也彌猶徧也徧祀社稷
及諸所禱又大司徒以荒政十有二聚萬民其十有
一曰索鬼神鄭眾云索鬼神求廢祀而脩之雲漢之
詩所謂靡神不舉靡愛斯牲者也彼凶荒之年水旱
之災尚索鬼神而祭之此遇天火為災亦當徧祀
羣神其所合祭皆應祭之也盖火起始命之祭耳祝
宗用馬于四墉祀盤庚于西門之外注祝火祝宗宗
人墉城也用馬祭于四城以禳火盤庚殷王宋之遠

祖域積陰之氣故祀之凡天災有幣無牲用馬祀盤

庚皆非禮音義

埔本又作庸音同盤字亦作般步干反禳如羊反疏正義曰周禮大

祝掌六祝之辭以事鬼神祇祈福祥小宗伯掌建國之神位特牲少牢士大夫之祭祀也皆宗人掌其事然則諸是祭神言辭大祝掌之禮儀宗人掌之故所有祭祀皆祝宗同行此事別命祝宗使奉此祭非鄉正所為也文承二師令下亦是二師命之不復言命者亦從上省文也用馬者以馬為牲祭於四面之城以禳火也禳郤也郤火使滅也盤庚湯之九世孫殷之第十九王也自盤庚至紂又十二王而殷滅盤庚弟小乙是宋微子之八世祖也盤庚之為殷王無大功德而祀盤庚者當時之意不知何故特祀之也祀盤庚不別言特明其祀亦用馬也城以積土為之土積則為陰積積陰之氣或能制火故祭城以禳火禮

亦無此法也莊二十五年傳例曰凡天災有幣無牲
用馬祀盤庚皆非禮言用馬祭城祭盤庚皆非禮也
此備火災所使羣官急者在前緩者在後故先伯氏
司里次華臣具正徒次到隧正納郊保然後二師總
庀羣官先右後左尊卑之次也以刑器車馬甲兵典
法國之所重故特命三官庀具其物先外官備具救
火然後及內故次司宮巷伯人事既畢
乃祭享鬼神故次敬享祀盤庚之事也

弱曰注弱士渥濁之子莊子音義

渥於角反

吾聞之宋災

於是乎知有天道何故注問宋何故自知天道將災
對曰古之火正或食於心或食於昧以出內火是故
昧為鶉火心為大火注謂火正之官配食於火星建

辰之月鶉火星昏在南方則令民放火建成之月大

火星伏在日下夜不得見則令民內火禁放火音義

味竹又反徐丁遺反出如字徐尺遂反內疏正義曰
如字徐音納鶉音純見如字又賢遍反昭二十

九年傳五行之官有木正火正金正水正土正立此
五官各掌其職封為上公祀為貴神謂能其事者後
世祀之火正之官居職有功祀火星之時以此火正
之神配食也五行之官每歲五時祀之謂之五祀月
令云其神勾芒祝融后土蓐收玄冥配五帝而食其
神矣而火正又配食於火星者以其於火有功祭火
星又祭之后稷得配天又配稷火正何故不得配帝
又配星也有天下者祭百神天子祭天之時因祭四
方之星諸侯祭其分野之星其祭火星皆以正配食
也火正配火星而食有此傳文其金木水土之正不

知配何神而食經典散亡不可知也周禮司燿掌行
火之政令季春出火民咸從之季秋內火民亦如之
鄭玄云火所以用陶冶民隨國而為之鄭司農云以
三月本時昏心星見於辰上使民出火九月本黃昏
心星伏在戌上使民內火故春秋傳曰以出內火周
禮所言皆據夏正故杜以周禮之意解其心昧為火
之由建辰之月即月令季春之月日在胃昏七星中
南方七星有井鬼柳星張翼軫七者共為朱鳥之宿
星即七星也昧謂柳也春秋緯文耀鉤云昧謂鳥陽
七星為頸宋均注云陽猶首也柳謂之昧昧鳥首也
七星為朱鳥頸也昧與頸共在於午者鳥之止宿口
屈在頸七星與昧體相接連故也鶉火星昏而在南
方於此之時令民放火昧星為火之候故於十二次
昧為鶉火也建戌之月即月令季秋之月日在房東
方七宿角亢氐房心尾箕七者共為蒼龍之宿釋文
云大辰房心尾也大辰謂之大辰孫炎曰龍星明者

以為時候大火心也在中
最明故時候主焉以是故
此傳心為大火九月日體
在房房心相近與日俱出
俱沒伏在日下不得出見
故令民內火禁放火也火
官合配其人蓋多不知誰
食於心誰食於味也此傳
竊火大火共為出火之候
周禮之注不言味者以味
非內火之候故唯指大火
以解出內之文故其言不
及味也

陶唐氏之火正閼伯居商邱
注陶唐堯有天下號閼伯
高辛氏之子傳曰遷閼伯
於商邱主辰辰大

火也今為宋星然則商邱
在宋地音義閼於疏正義

記五帝本紀云帝堯為陶唐氏是堯有天下以陶唐為代號也氏猶家也古言高辛氏陶唐氏猶言周家夏家也閼伯高辛氏之子遷閼伯於商邱主辰皆昭元年傳文也爾雅以大火為大辰是辰為大火也昭

十七年傳云宋大辰之虛是大火為宋星也關伯已居商邱祀大火今大火為宋星則知宋亦居商邱以此明之故云然則商邱在宋地也釋例云宋商商邱三名一地梁國睢陽縣也傳曰陶唐氏之火正關伯居商邱祀大火又曰宋大辰之虛也然則商邱在宋或以為漳水之南故殷虛為商邱非也是由商邱所在不明故釋例與此注俱以關伯明之

祀大火而火紀時焉注謂出內

火時相土因之故商主大火注相土契孫商之祖也

始代關伯之後居商邱祀大火音義

相息亮反注同契息列反疏

正義曰祀大火者關伯祀此大火之星居商邱而祀火星也相土因之復主大火是商邱之地屬大火也然則在地之土各有上天之分周禮保章氏以星土辨九州之地所封域皆有分星鄭玄云星土星所

主土也封猶界也大界則曰九州州中諸國之封域
 於星亦有分焉其書亡矣今其存可言者十二次之
 分也星紀吳越也玄枵齊也娵訾衛也降婁魯也大
 梁趙也實沈晉也鶉首秦也鶉火周也鶉尾楚也壽
 星鄭也大火宋也析木燕也是言地屬於天各有其
 分之事也鄭唯云其存可言不知存者本是誰說其
 見於傳記者則此云商主大火昭元年傳云參為晉
 星二十八年傳云龍宋鄭之星則蒼龍之方有宋鄭
 之分也又曰以害鳥帑周楚惡之則朱鳥之方有周
 楚之分也昭七年四月日食傳稱魯衛惡之去衛地
 如魯地則春分之日在魯衛之分也又十年傳曰今
 茲歲在顓頊之虛姜氏任氏實守其地則於時歲星
 在齊薛之分也又三十二年傳曰越得歲而吳伐之
 凶則於時歲星在吳越之分也晉語云實沈之虛晉
 人是居周語云歲在鶉火我有周之分野是有分野
 之言也天有十二次地有九州以此九州當彼十二

次周禮雖云皆有分星不知其分誰分之也何必所
分能當天地星紀在於東北吳越實在東南魯衛東
方諸侯遙屬戌亥之次又三家分晉方始有趙而韓
魏無分趙獨有之漢書地理志分羣國以配諸次其
地分或多或少鶉首極多鶉火甚狹徒以相傳為說
其源不可得而聞之於其分野或有妖祥而為占者
多得其効蓋古之聖哲有以度知非後人所能測也
注正義曰殷本紀契生昭明昭明生相土相土是契
孫也本紀云帝舜封契於商鄭玄云商國在大華之
陽皇甫謐云今上洛商縣是也如鄭玄意契居上洛
之商至相土而遷於宋之商及湯有天下遠取契所
封商以為一代大號服虔云相土居商邱故湯以為
天下號王肅書序注云契孫相土居商邱故湯以為
國號案詩述后稷云即有邵家室述契云天命玄鳥
降而生商即稷封邱而契封商也若契之居商即是
商邱則契已居之不得云相土因閼伯也若別有商

地則湯之為商不是因相土矣且經傳言商未有稱
商邱者釋例云宋之先契佐唐虞封於商武王封微
子啓為宋公都商邱是同鄭玄說也傳言商主大火
商謂宋也宋主大火耳成湯不主火也宋是商後故
謂宋為商昭八年傳曰自根牟至于商衛是名宋為
商之驗釋例曰商宋一地謂此商也相土商之祖者
是湯之祖亦宋之祖也堯封閼伯於商邱比及相
土應歷數世故云代閼伯之後居商邱祀大火也商
人閱其禍敗之釁必始於火是以日知其有天道也

注閱猶數也商人數所更歷恒多火災宋是殷商之

後故知天道之災必火音義

釁許靳反數所主
反下同更音庚

疏

正義

曰閱猶數也釁謂間隙也商人謂殷商之人為王之
時數其禍敗之釁隙必始於火言其政教有失將欲

致禍既開禍敗之釁必有火災應之也今宋是商後亦如商世欲有禍敗必初始於火是以言曰知其有天道也然殷商不居商邱必有火者以商是相土子孫相土居商邱祀火之故故火之為災連及殷商之世也傳唯如此而已亦不知公曰可必乎對曰在道爾時宋有何失而有此災


國亂無象不可知也注言國無道則變亂亦殊故不

可必知疏

正義曰公曰此事可必乎但有愆失必致火乎對曰在其君之所行道耳若時政小

失天未棄之或下災異冀其覺悟或可常有火災也若國家昏亂無復常象不可知也象謂妖祥有所象似以戒人也國若無道災變亦殊既無所象故不可必知也。夏季武子如晉報

宣子之聘也注宣子聘在八年。穆姜薨於東宮注

太子宮也穆姜淫僞如欲廢成公故徙居東宮事在
成十六年始往而筮之遇艮之八  注艮下艮上

周禮大卜掌三易然則雜用連山歸藏周易二易皆

以七八爲占故言遇艮之八音義

艮古根反疏正義曰周禮大卜掌

三易之法一曰連山二曰歸藏三曰周易鄭玄云易
者揲著變易之數可占者也名曰連山似山之出內

雲氣也歸藏者萬物莫不歸而藏於其中也洪範言
卜筮之法三人占則從二人之言孔安國云夏殷周

卜筮各異三法竝下從二人之言是言筮用三易之
事也大卜周官而職掌三易然則周世之卜雜用連

山歸藏周易也周易之爻唯有九六此筮乃言遇艮
之八二易皆以七八爲占故此筮遇八謂艮之第二

爻不變者是八也揲著求爻繫辭有法其揲所得有七八九六說者謂七為少陽八為少陰其爻不變也九為老陽六為老陰其爻皆變也周易以變為占占九六之爻傳之諸筮皆是占變爻也其連山歸藏以不變為占占七八之爻二易並亡不知實然以否世有歸藏易者偽妄之書非殷易也假令二易俱占七八亦不知此筮為用連山為用歸藏所云遇艮之八不知意何所道以為先代之易其言亦無所據賈鄭先儒相傳云耳先儒為此意者此言遇艮之八下文穆姜云是於周易晉語公子重耳筮得貞屯晦豫皆八其下司空季子云是在周易並於遇

八之下別言周易知此遇八非周易也史曰是謂艮之隨三注震下兌上隨史疑占易遇八為不利故

更以周易占變爻得隨卦而論之疏

正義曰震為雷兌為澤象曰澤

中有雷隨鄭玄云震動也兌說也內動之爲德外說之以言則天下之民慕其行而隨從之故謂之隨也史疑占易遇八者爲不利故更以周易占變變其爻乃得隨卦而論之所以說姜意也隨其出

也注史謂隨非閉固之卦君必速出姜曰亡注亡猶

無也音義亡如字讀是於周易曰隨元亨利貞无咎

注易筮皆以變者占遇一爻變義異則論象故姜亦

以象爲占也史據周易故指言周易以折之音義許

庚反下同象吐疏正義曰易筮皆以變者爲占傳之亂反折之設反諸筮皆是也若一爻獨變則得指

論此爻遇一爻變以上或二爻三爻皆變則每爻義異不知所從則常總論象辭故姜亦以象爲占此元

亨利貞無咎是隨卦之彖辭也史言是謂艮之隨者據周易而言故姜亦指言周易以折之也周易卦下之辭謂之為彖象者統論一卦之體明其所由之主隨象云元亨利貞無咎者元長也長亦大也亨通也貞正也隨卦震下兌上以剛下柔動而適說故物皆隨之而不能大通於事逆於時也相隨而不為利正共適邪淫則災之道也必有此元亨利貞四德乃得無咎過耳無此四德則不免於咎元體之

長也亨嘉之會也利義之和也貞事之幹也體仁足以長人嘉德足以合禮利物足以和義貞固足以幹事然固不可誣也是以雖隨無咎注言不誣四德乃遇隨無咎明無四德者則為淫而相隨非吉事音義

長丁丈反下同

嘉德易作嘉會

疏

正義曰不誣四德者四德實有於

遇隨卦可得身無咎耳明其無此四德而遇隨卦者

乃是淫而相隨非是善事故得隨必有咎也穆姜自

謂隨為惡卦故云雖隨無咎

今我婦人而與於亂固

在下位注婦人卑於丈夫音義

謂元不靖國家不可謂亨作而害身不可謂利弃位

而姣注姣淫之别名音義

姣戶交反注同徐又如疏

正義曰服虔讀姣為放效之效言效小人為淫淫自

出於心非效人也今時俗語謂淫為姣故以姣為淫

之别名

不可謂貞有四德者隨而無咎我皆無之豈隨

也哉我則取惡能無咎乎必死於此弗得出矣注傳

言穆姜辯而不德疏

正義曰自幹事以上與周易文言正同彼云元者善之長此云

體之長彼云嘉會足以合禮此云嘉德唯二字異耳其意亦不異也元者始也長也物得其始為衆善之長於人則謂首為元元是體之長以善為體知亦善之長也亨通也嘉善也物無不通則為衆善之會故通者善之會也物得裁成乃名為義義理和協乃得其利故利者義之和也貞正也物得其正乃成幹用故正者事之幹也體仁以仁為體也君子體是仁人堪得與人為長體仁足以長人也身有美德動與禮合嘉德足以合禮也以己利物義事和協利物足以和義也正而牢固事得幹濟貞固足以幹事也此四德者在身必然固不可誣罔也是以雖得隨卦而其身無咎今我婦人也而與於僞如之亂婦人卑於男

子固在下位而有不仁之行不可謂之元也不安靖
國家欲除去季孟不可謂之亨也作為亂事而自害
其身使放於東宮不可謂之利也棄夫人之德位而
與僞如淫姦不可謂之貞也有此元亨利貞四德乃
得隨而無咎四德我皆無之豈當隨卦也哉我則
自取此惡其身能無咎乎必死於此宮不能出矣○

秦景公使士稚乞師于楚將以伐晉楚子許之子囊
曰不可當今吾不能與晉爭晉君類能而使之注隨

所能音義

稚音苦
田反

舉不失選注得所選音義

選息應
反注同

官

不易方注方猶宜也其卿讓於善注讓勝己者其大
夫不失守注各任其職其士競於教注奉上命其庶

人力於農穡注種曰農收曰穡

正義曰農是力田之名毛詩傳云種

之曰稼斂之曰穡稼者言如嫁女之有所生也穡愛也言愛惜而收斂之也此文穡無所對故以農為種

名其實農是營田之名種曰稼也

商工阜隸不知遷業注四民不雜

疏

正義曰齊語四民者士農工商此傳言其士競於教是說士也庶人力於農稼是說農也士農已訖

唯有工商在耳故以阜隸賤官足成其句杜言四民不雜通上士庶為四非以阜隸工商為四也

韓

厥老矣知瑩稟焉以為政注代將中軍范匄少於中

行偃而上之使佐中軍注使匄佐中軍偃將上軍音

義

少詩照反下同中行戶郎反

韓起少於欒廩而欒廩士魴上之

使佐上軍注壓鮐讓起起佐上軍壓將下軍鮐佐之

音義

壓於斬反

魏絳多功以趙武爲賢而爲之佐注武新

軍將音義

將子匠反

君明臣忠上讓下競注尊官相讓勞

職力競當是時也晉不可敵事之而後可君其圖之

王曰吾旣許之矣雖不及晉必將出師秋楚子師于

武城以爲秦援秦人侵晉晉饑弗能報也注爲十年

晉伐秦傳音義

饑音飢又音幾

冬十月諸侯伐鄭注鄭從

楚也庚午季武子齊崔杼宋皇郛從荀縈士匄門于

鄆門注鄭城門也三國從中軍音義

鄆音專本亦作專

衛北

宮括曹人邾人從荀偃韓起門于師之梁注師之梁

亦鄭城門三國從上軍滕人薛人從欒廕士魴門于

北門注二國從下軍杞人邾人從趙武魏絳斬行栗

注二國從新軍行栗表道樹音義

行栗如字行道也

疏正義曰行

道也謂之行栗必是道上之栗周語云列樹以表道知此行栗是表道之樹

甲戌師于汜

注衆軍還聚汜汜鄭地東汜音義

汜音汎

令於諸侯曰

脩器備注兵器戰備盛餼糧注餼乾食音義

盛音成餼音侯

歸老幼注示將久師居疾于虎牢注諸侯已取鄭虎

牢故使諸軍疾病息其中肆青圍鄭注肆緩也青過

也不書圍鄭逆服不成圍音義

青生領反徐所幸反疏正義曰肆訓為

緩緩從罪人謂放赦之也將求民力開恩赦罪赦諸

侯之軍內犯法者服虔以為放鄭因索傳未與鄭戰

無因可放設使有因可放鄭人以戰而獲非有所犯

不得謂之肆青也不書圍鄭者此肆青圍鄭是號令

之辭耳鄭人聞而逆服不成圍故也鄭人恐乃行成注與晉成也音義

恐邱中行獻子曰遂圍之以待楚人之救也而與之

戰不然無成注獻子荀偃也恐楚救鄭鄭復屬之音

義復扶又反知武子曰許之盟而還師以敝楚人注敝罷

也音義罷音皮吾三分四軍注分四軍爲三部疏正義曰賈

逵以爲三分四軍爲十二部鄭衆以爲分四軍爲三部杜以分爲十二則一部人少不足亢敵故從鄭說分四軍爲三部晉各一動而楚三來欲罷楚使不能也與諸侯之銳以逆來者

注來者楚也於我未病楚不能矣注晉各一動而楚

三來故曰不能猶愈於戰注勝聚戰暴骨以逞不可

以爭注言爭當以謀不可以暴骨音義暴蒲卜反注同徐扶沃反

爭爭鬪之爭注同又如字大勞未艾君子勞心小人勞力先王之

制也注艾息也言當從勞心之勞音義

艾魚廢反又五蓋反注同

諸侯皆不欲戰乃許鄭成十一月己亥同盟于戲鄭

服也注鄭服故言同盟將盟鄭六卿公子駢注子馬

季發注子國公子嘉注子孔公孫輒注子耳公孫蔓

注子矯音義

蔓勑邁反

公孫舍之注子展及其大夫門子

皆從鄭伯注門子卿之適子音義

從才用反適丁歷反

疏

正義曰周

禮小宗伯掌三族之別以辨親疏其正室皆謂之門子鄭玄云正室適子也將代父當門者也是卿之適

子為門子也

晉士莊子為載書曰注莊子士弱載書盟書

自今日既盟之後鄭國而不唯晉命是聽而或有異

志者有如此盟注如違盟之罰公子駢趨進曰天禍

鄭國使介居二大國之間注介猶間也音義介音界注同猶

間音間廁之間又如字大國不加德音而亂以要之注謂以兵

亂之力强要鄭音義要一違反注强要下要人要盟皆同强其丈反使其鬼

神不獲歆其裡祀其民人不獲享其土利夫婦辛苦

墊隘無所底告注墊隘猶委頓底至也音義歆許今反墊丁

念反隘於懈反底音肯自今日既盟之後鄭國而不唯有禮與

彊可以庇民者是從而敢有異志者亦如之注亦如

此盟音義

底必利反

荀偃曰改載書注子駟亦以所言載

於策故欲改之公孫舍之曰昭大神要言焉注要誓

以告神若可改也大國亦可叛也知武子謂獻子曰

我實不德而要人以盟豈禮也哉非禮何以主盟姑

盟而退脩德息師而來終必獲鄭何必今日我之不

德民將棄我豈唯鄭若能休和遠人將至何恃於鄭

乃盟而還注遂兩用載書音義

休許剌反

○晉人不得志

於鄭以諸侯復伐之十二月癸亥門其三門注三門

鄆門師之梁北門也癸亥月五日晉果三分其軍各

攻一門音義

復扶又反

閏月戊寅濟于陰阪侵鄭注以長

歷參校上下此年不得有閏月戊寅戊寅是十二月

二十日疑閏月當為門五日五字上與門合為閏則

後學者自然轉日為月晉人三番四軍更攻鄭門門

各五日晉各一攻鄭三受敵欲以苦之癸亥去戊寅

十六日以癸亥始攻攻輒五日凡十五日鄭故不服

而去明日戊寅濟于陰阪復侵鄭外邑陰阪洧津音

義

閏月依注讀為門五日阪音反又扶板反疏正義

番芳元反更音庚復扶又反洧于軌反以長歷推之此年無閏故知此閏字當為門五又月當為日也晉人分四軍為三番以二番為待楚之備一番以攻鄭之門一番一門以癸亥初攻每門五日積十五日欲以苦鄭而來楚也楚不敢來鄭猶不服至明日戊寅濟于陰阪復侵鄭外邑而後歸也鄭都洧水之旁故知陰阪洧津也衛氏難云案昭二十年朔旦冬至其年云閏月戊辰殺宣姜又二十二年云閏月取前城竝不應有閏而傳稱閏是史之錯失不必皆在應閏之限杜豈得云此年不得有閏而改為門五日也若然閏月殺宣姜閏月取前城皆為門五日乎秦氏釋云以傳云三分四軍又云十二月癸亥門其三門既言三分則三分攻門計癸亥至戊寅十

六日番別攻門五日三五十五日明日戊寅濟于陰阪上下符合故杜爲此解蘇氏又云案長歷襄十年十一月丁未是二十四日十一年四月己亥是十九日據丁未至己亥一百七十三日計十年十一月之後十一年四月之前除兩箇殘月唯置四箇整月用日不盡尚餘二十九日故杜爲長歷於十年十二月後置閏既十年有閏明九年無閏也次于陰口而還注陰口鄭地名子

孔曰晉師可擊也師老而勞且有歸志必大克之子

展曰不可注傳言子展能守信。公送晉侯晉侯以

公宴于河上問公年季武子對曰會于沙隨之歲寡

君以生注沙隨在成十六年晉侯曰十二年矣是謂

一終一星終也注歲星十二歲而一周天疏

正義曰直言一

星終知是歲星者以古今歷書推步五星金水日行一度土三百七十七日行星十二度火七百八十日行星四百一十五度四者皆不得十二年而一終唯木三百九十八日行星三十三度十二年而彊一周舉其大數十二年而一終故知是歲星國君十五而生子冠而生子禮

也注冠成人之服故必冠而後生子音義

冠古亂反注下皆同

君可以冠矣大夫盍爲冠具武子對曰君冠必以裸

享之禮行之注裸謂灌鬯酒也享祭先君也音義

盍戶

臘反裸古亂反灌古亂反疏

正義曰周禮大宗伯以肆獻裸享先王鬱人凡祭祀之裸事和鬱鬯以實

龔而陳之鄭玄云鬱鬱金香草也鬯釀秬為酒芬香
條暢於上下也築鬱金煮之以和鬯酒郊特牲云灌
用鬯臭鄭玄云灌謂以圭瓚酌鬯始獻神也然則裸
即灌也故云裸謂灌鬯酒也裸是祭初之禮故舉之
以表祭也周禮祭人鬼曰享故云享祭
先君也劉炫云冠是大禮當偏羣廟

以金石之樂

節之注以鐘磬為舉動之節以先君之桃處之注諸

侯以始祖之廟為桃音義

桃他彫反

疏

正義曰冠是嘉禮之大者當祭以告

神故有裸享之禮以祭祀也國君無故不徹縣故有金石之樂行冠禮之時為舉動之節也冠必在廟故先君之桃處之也既行裸享祭必有樂所言金石節之謂冠時之樂非祭祀之樂也諸侯之冠禮亡唯有士冠禮在耳其禮亦行事於廟而不為祭祀士無樂可設而唯處桃同耳士冠必三加始加緇布冠次加

皮弁次加爵弁公則四大戴禮公冠篇於士三冠後
更加玄冕是也案此傳文則諸侯十二加冠也文王
十三生伯邑考則十二加冠親迎于渭用天子禮則
天子十二冠也晉語柯陵會趙武冠見范文子冠時
年十六七則大夫十六冠也士庶則二十而冠故曲
禮云二十曰弱冠是也注正義曰祭法云遠廟為祧
天子有二祧鄭玄云祧之言祧也超上去意也諸侯
無祧聘禮云不腆先君之祧是謂始祖廟也聘禮注
云天子七廟文武為祧諸侯五廟則祧始祖也是亦
廟也言祧者祧尊而廟親待賓客者上尊者然則彼
以始祖之尊故特言祧耳昭元年傳云敢愛豐氏之
祧大夫之廟亦以祧言之是尊之意也不待至魯而
假於衛者及諸侯
賓客未散故也

今寡君在行未可具也請及兄弟

之國而假備焉晉侯曰諾公還及衛冠于成公之廟

注成公今衛獻公之曾祖從衛所處疏

正義曰成公是獻公會祖

衛世家文也服虔以成公是衛之曾祖即云祧謂曾祖之廟也曾祖之廟何以獨有祧名王制大夫三廟

一昭一穆與太祖之廟為三鄭之豐氏豈得立曾祖之廟乎而亦謂之祧也杜意從衛所處意在排舊說也以晉悼欲速故寄衛廟而假鐘磬其祿享之禮歸魯乃祭耳

假鐘磬焉禮也。楚

子伐鄭注與晉成故子駟將及楚平子孔子矯曰與

大國盟口血未乾而背之可乎子駟子展曰吾盟固

云唯彊是從今楚師至晉不我救則楚彊矣盟誓之

言豈敢背之且要盟無質神弗臨也注質主也疏

正義

曰質之為主以意言耳無正訓也晉云唯晉命是聽鄭云唯彊是從二辭俱以告神是其無定主也服虔云質成也無忠誠之信故神弗臨也

所臨唯信信者言之瑞也注瑞符也善之主也是故臨之注神臨之明神不蠲要盟注

蠲潔也背之可也乃及楚平公子罷戎入盟同盟于

中分注中分鄭城中里名罷戎楚大夫音義罷音皮

中分竝如字疏正義曰言入盟是入城盟也入徐音丁仲反疏城而言盟地知是城內里名楚莊

夫人卒注共王母王未能定鄭而歸。晉侯歸謀所

以息民魏絳請施舍注施恩惠舍勞役輸積聚以貸

注輸盡也音義

積子賜反下同聚才住反貸他代反

自公以下苟有積

者盡出之國無滯積注散在民亦無困人注不匱乏

公無禁利注與民共亦無貪民注禮讓行祈以幣更

注不用牲賓以特牲注務崇省音義

省所緊反

器用不作

注因仍舊車服從給注足給事也行之期年國乃有

節三駕而楚不能與爭注三駕三興師謂十年師於

牛首十一年師於向其秋觀兵於鄭東門自是鄭遂

服音義

期音基本亦作基向舒亮反

春秋左傳注疏卷三十

春秋左氏傳注疏卷三十考證

公會晉侯宋公衛侯鄭伯曹伯齊世子光救陳。

臣浩

按公羊穀梁經曹伯下有莒子邾子滕子薛伯

傳君子謂楚共王於是不刑。劉敞曰傳言壬夫貪殺

之當也何謂不刑乎解經若此取舍安從

臣照

按劉

敞之論蓋亦謂左氏自作史斷而託諸君子云爾夫

使非其時君子實有此論左氏自以爲君子而著其

論于聖筆之後廁之國史策間謬妄已極尚何問其

論之當否乎夫左傳紀事之書也紀當時君子之論云然即以知世風之升降後儒妄規左氏之過何未之思耶

傳君子是以知季文子之忠於公室也。趙汴補注曰行父殺適立庶專國政傳舍大惡錄小善亦當時流俗之論臣照按趙汴之論亦是未悟左氏之意斥左氏同于當時流俗之論不知左氏所記者正當時流俗之論也

傳晉人以鄆故來討。

臣召南

按莒鄆同列于戚之會

莒人敢于滅鄆魯固有不救之罪矣晉為盟主既不能討又不能絕明年會鄒莒子亦與焉以是知悼公復霸原不足以紹文公之烈也

傳陳無宇獻萊宗器于襄宮注無宇桓子陳完玄孫。

完監本訛作桓今改正

傳遷萊于郕。趙汭曰傳言滅又言遷則所遷者其族屬人民與經言遷紀邢鄆郕同非必其君

鄭伯髡頑如會未見諸侯丙戌卒于鄆注實為子駟所弑。萬斯大曰隱行其弑外赴止云不祿史官從而書卒春秋烏得而更之傳得詳其事者其同謀之人久而漸露其姦本國之史乃稍得存之紀載春秋之學有必待傳而明者此其是歟

傳是故啓蟄而郊郊而後耕注耕謂春分。臣召南按

注云啓蟄夏正建寅之月疏引釋例曰正月節立春啓蟄為中氣二月節驚蟄春分為中氣此古時節氣

也禮記鄭注云夏小正正月啓蟄漢始亦以驚蟄爲
正月中疏曰漢時立春爲正月節驚蟄爲正月中雨
水爲二月節春分爲二月中前漢之末劉歆作三統
歷改驚蟄爲二月節然則不以啓蟄名節自漢初已
然矣

傳今譬於草木寡君在君君之臭味也。林堯叟曰如
草木香氣滋味之同者

傳令隧正納郊保。

臣浩

按七年傳叔仲昭伯爲隧正

注曰隧正主役徒則此隧正亦主役徒也周禮遂人之官魯宋二國猶沿其舊

傳工正出車疏與工正書服。書監本訛作義今改正
傳令司宮巷伯敝宮疏司宮當天子之內小臣也。司
宮監本訛作官司今改正

又疏王之正內五人。監本訛作主之王內五人今
改正

傳古之火正或食於心或食於昧。臣召南按漢書五

行志載春秋說曰古之火正謂火官也掌祭火星行
火政季春昏心星出東方而昧七星鳥首正在南方
則用火季秋星入則止火以順天時救民疾帝嚳則
有祝融堯時有關伯民賴其德死則以爲火祖配祭
火星故曰或食於心或食於昧也據此則關伯主辰
是食於心者其食於昧即祝融也鶉火為南方正位
其帝炎帝其神祝融柳星張為周分野是祝融食於
昧之明證孔疏謂火官配食其人蓋多不知誰食於

心誰食於味豈祝融闕伯二人外別有火祖耶

傳始往而筮之遇艮之八。

臣照

按易以變者為占六

者陰變陽也九者陽變陰也周易皆止于一爻變其
二爻變以下皆無辭大抵皆觀象也惟此傳五爻變
而六二一爻不變命之為艮之隨曰遇艮之八則五
爻變之占法猶可考焉周易固如是非雜用連山歸
藏也且下文固云隨元亨利貞无咎矣安在其用連
山歸藏耶

傳元體之長也八句。

臣照

按此與孔子文言大同小

異穆姜在孔子之前安得預言之或謂四德之語蓋
先聖先師之所傳而孔子述之葉夢得則直謂此爲
卜筮家之僞託而左氏妄信之

春秋左氏傳注疏卷三十考證

欽定四庫全書

經部

春秋左傳注疏卷三十一

詳校官監察御史臣王爾烈

給事中臣溫常綬覆勘

覆校官中書臣汪日章

校對官中書臣馮培

謄錄監生臣宋允奎

欽定四庫全書

春秋左傳注疏卷三十一

起襄公十年
盡十二年

晉杜氏注

唐陸德明音義

孔穎達疏

經十年春公會晉侯宋公衛侯曹伯莒子邾子滕子薛伯杞伯小邾子齊世子光會吳于柤注吳子在柤晉以

諸侯往會之故曰會吳吳不稱子從所稱也柤楚地音

義祖莊疏

正義曰成十五年諸侯大夫會吳于鍾離五年魯衛會吳于善道皆大夫來也此傳云會

吳子壽夢則吳子自來也五年戚之會吳序鄒上此殊吳者亦如鍾離善道晉以諸侯往彼會之故曰會吳也

哀十三年公會晉侯及吳子于黃池彼稱吳子此不稱
子者從其所稱也蘇氏云謂諸侯直稱之曰吳故從諸
侯之所稱也至於黃池之會自去其僭號而稱子以告
令諸侯故諸侯亦從而稱之也劉炫云從所稱者諸侯
盟會會則必自言其爵盟則自言其名故盟得以名告
神會得以爵書策吳是東夷之君未闕諸夏之禮於此
自稱為吳不知以爵告衆故從所稱書吳也故釋例云
吳晚通上國故其君臣朝會不同於例亦猶楚之初始
是言吳未知稱爵也

夏五月甲午遂滅偃陽注偃陽妘姓國今彭城傳陽縣

也因祖會而滅之故曰遂音義

偃徐甫目反又彼力疏
反本或作逼妘音云

正義曰偃陽妘姓傳文也鄭語云妘姓鄆鄆路偃陽也
遂者因上事生下事之辭此因祖會而遂滅偃陽雖復

隔以日月文猶繫於會祖因
會祖而始謀滅之故言遂也

公至自會注無傳

楚公子貞鄭公孫輒帥師伐宋

晉師伐秦注荀瑩不書不親兵也疏

正義曰傳稱荀瑩
伐秦而經不書瑩

知瑩不親兵
以師告也

秋莒人伐我東鄙

公會晉侯宋公衛侯曹伯莒子邾子齊世子光滕子薛

伯杞伯小邾子伐鄭注齊世子光先至於師為盟主所

尊故在滕上疏

正義曰周禮典命諸侯之適子誓於天子攝其君則下其君之禮一等未誓則

以皮帛繼子男鄭玄云誓猶命也言誓者明天子既命以為之嗣也十九年傳云光之立也列於諸侯矣則光是未誓者也法當繼於子男之下祖之會列於小邦之下是其正也於此伐也傳稱崔杼使太子光先至于師故長於滕晉悼以齊是大國光復先至心善其共遂進其班為盟主所尊故在滕上言其非正法也

冬盜殺鄭公子駢公子發公孫輒注非國討當兩稱名

氏殺者非卿故稱盜以盜為文故不得言其大夫疏正義

曰若國家討而殺之則舉國名言殺其大夫若非國討兩下相殺則兩書名氏王札子殺召伯毛伯是也此非國討亦當兩書名氏但殺之者尉止司臣之徒皆非卿也非卿則名氏不合見經故稱之為盜凡言其者是其

所有也。君是臣之君，故書弑。其君臣是君之臣，故書殺。其大夫盜者，寇賊之名，賤之不繫於國，被殺者非盜之所有。既以盜為文，故不得言其大夫。若如他物殺之，然哀四年盜殺蔡侯，申注云：賤者，故稱盜不言弑。其君賤盜也。文十六年公羊傳曰：大夫弑君，稱名氏賤者，窮諸人大夫相殺，稱人賤者，窮諸盜。其義雖不可通於左氏，其言賤盜之意則同。

戊鄭虎牢注：伐鄭諸侯各受晉命，戊虎牢不復為告命。

故獨書魯戊而不叙諸侯。音義復扶反。

楚公子貞帥師救鄭。

公至自伐鄭。注：無傳。

傳十年春會于柵會吳子壽夢也注壽夢吳子乘音

義

夢莫公反

疏

正義曰十二年吳子乘卒是也服虔云壽夢發聲吳蠻夷言多發聲數語共成一言

壽夢一言也經言乘傳言壽夢欲使學者知之也然壽夢與乘聲小相涉服以經傳之異即欲使同之然則餘祭戴吳豈復同聲也當是名字之異故末言之三月癸丑齊高厚相大子

光以先會諸侯于鍾離不敬注吳子未至先從東道

與東諸侯會遇非本期地故不書會高厚高固子也

癸丑月二十六日音義

相息亮反下同

疏

正義曰言先會諸侯則是會期未到

故知吳子未至而諸侯自會也柵與鍾離相近地在宋之東南知光從東道與東方諸侯遇蓋邾莒滕薛

之徒自相會遇也本非期會之地會亦不以告魯故
不書也如杜此注則吳子未至亦未赴於祖而上注
云吳子在祖諸侯往會之者吳子元遣告晉言已至
祖而已非晉侯自期於祖召吳子使赴也戚之會則
吳子在善道召使赴戚故與諸國同序於列也杜明
言癸丑是三月二十六日下四月戊午云月一日五
月庚寅云月四日甲午云月八日所以明言日者欲
證前九年閏月為門五日於上下日月相當故杜備
言其日也劉炫曰杜言癸丑二十六日者
見與下四月一日會相近知非二會也

士莊子曰

高子相大子以會諸侯將社稷是衛而皆不敬注厚

與光俱不敬棄社稷也其將不免乎注為十九年齊
殺高厚二十五年弑其君光傳夏四月戊午會于祖

注經書春書始行也戊午月一日疏

正義曰傳言夏會而經書春知

經書始行傳言會日也諸赴盟會者初去告行而已盟會必行還乃書何則初去之時未知所會幾國豈得即書會也明其皆是行還告廟乃書之耳但所書者或追記發國之初或即書所會之日此會祖以其經傳不同乃知春行夏會其餘傳無會日亦應有如此者如此之類是追記初行也二十年六月庚申公會晉侯云云于蟲牢如此之類是即書會日也此蓋舊無定法史官不同故立文異耳 ○晉荀偃士句請伐偃陽而封宋向戌

焉注

以宋常事晉而向戌有賢行故欲封之為附庸

音義

行下孟反

荀瑩曰城小而固勝之不武弗勝為笑固

請丙寅圍之弗克注丙寅四月九日孟氏之臣秦董

父輦重如役注董父孟獻子家臣步挽重車以從師

音義

董徐音謹挽音晚

疏

正義曰重者車名也載物必重謂之重人挽以行謂之輦軍行以載

器物止則以為藩營此人挽此重車以從役也宣十二年解已具之偁陽人啓門諸侯

之士門焉注見門開故攻之縣門發耶人紇挾之以

出門者注門者諸侯之士在門內者也紇耶邑大夫

仲尼父叔梁紇也耶邑魯縣東南莖城是也言紇多

力挾舉縣門出在內者音義

縣音玄注及下同耶側留反紇恨發反挾烏穴

反徐又古穴反出疏正義曰縣門者編版廣長如門如字一音尺遂反施闢機以縣門上有冠則發機

而下之諸侯之士攻偏陽之門已有入者縣門乃發耶人統挾而舉之以出門者門者謂攻門者也統為

耶邑大夫公邑大夫皆以邑名冠之呼為某人孔子之父名紇字叔梁古人名字並言者皆先字而後名

故史記孔子世家稱為叔梁紇也服虔云挾挾也謂以木挾挾縣門使舉令下容人出也門者下屬為句

狄虎彌建大車之輪而蒙之以甲以為櫓注狄虎彌

魯人也蒙覆也櫓大楯音義虎音斯彌徐音弥一音武脾反櫓音魯楯常尹

反又音尹左執之右拔戟以成一隊注百人為隊音義隊徒

對反徐疏正義曰鄭玄云大車平地載任之車也考徒猥反疏工記車人為車柯長三尺大車轂長半柯

輪崇三柯是輪高九尺其車罔圓周二丈七尺建立也立此大車之輪而覆之以甲以為櫓也考工記父長尋有四尺車戟常崇於父四尺八尺曰尋倍尋曰常則戟長一丈六尺也隊是行列之名百人為隊相傳為然成一隊者

孟獻子曰詩所謂有力如虎者也

注詩邶風也音義

邶音佩

主人縣布堇父登之及堞而

絕之注偃陽人縣布以試外勇者音義

堞音牒徐養涉反

隊

則又縣之蘇而復上者三主人辭焉乃退注主人嘉

其勇故辭謝不復縣布音義

隊直類反復扶又反注同上時掌反三息暫反

又如疏

正義曰宣八年傳曰晉人獲秦諜殺諸絳市六日而蘇則蘇者死而更生之名也堇父隊

而悶絕似若死然得蘇悟而復蘇布上

帶其斷以徇於軍三日注帶其

斷布以示勇音義

斷徒亂反徇似俊反

諸侯之師久於偏陽荀

偃士句請於荀瑩曰水潦將降懼不能歸注向夏恐

有久雨從丙寅至庚寅二十五日故曰久音義

潦音老

請班師注班還也知伯怒注知伯荀瑩音義

知音智

投

之以机出於其間注出偃句之間音義

机本又作儿同

曰女

成二事而後告余注二事伐偏陽封向戌音義

女音汝下

及注皆同

余恐亂命以不女違注既成改之為亂命女既

勤君而興諸侯牽帥老夫以至于此既無武守注無

武功可執守而又欲易余罪曰是實班師不然克矣

注謂偃句將言爾余羸老也可重任乎注不任受女

此責音義

羸劣危反重直用反任音壬注同

七日不克必爾乎取之

注言當取女以謝不克之罪五月庚寅注月四日荀

偃士句帥卒攻偃陽親受矢石注躬在矢石間音義

卒子

疏正義曰服虔云古者以石為箭鏑引國語有

忽反

隼集於陳侯之庭楷矢貫之石砮以證石為

箭鏑若石是箭鏑則猶是矢也何須矢石竝言杜言在矢石間則不以石為矢也周禮職金凡國有大故

而用金石則掌其令鄭玄云用金石者作檣雷之屬雷即礮也兵法守城用礮石以擊攻者陳思王征蜀論云下礮成雷

榛殘木碎是也

甲午滅之注月八日書曰遂滅偃陽

言自會也注言其因會以滅國非之也疏

正義曰僖四年公會

齊侯云云侵蔡蔡潰遂伐楚二十三年齊侯伐衛遂伐晉如此之類一行而有二事者法當言遂遂非善惡之名而此傳特云書曰遂滅偃陽言自會也則知此言遂者有非之之意所以然者彼因伐遂伐本謀成行兵容可一舉而伐兩國會非征伐之事苟偃士勾於會始請則偃陽無大罪諸侯無宿謀因會滅人情在可責傳稱言自會也是尤其從會行也釋例云會以訓上下叙德刑遂滅偃陽言滅生於會非本意也是言因會以滅國非之之事也書曰者是仲尼新意則舊史不然本蓋別書諸侯滅偃陽仲尼改之而

言遂耳

以與向戌向戌辭曰君若猶辱鎮撫宋國而以

偏陽光啓寡君羣臣安矣其何貺如之注言見賜之

厚無過此音義

賜也 既音况

疏

正義曰光昭宋國開其疆竟以賜寡君

若專

賜臣是臣興諸侯以自封也其何罪大焉敢以死請

乃予宋公○宋公享晉侯於楚丘請以桑林注桑林

殷天子之樂名疏

正義曰若非天子之樂則宋人不當請荀瑩不須辭以宋人請而荀

瑩辭明其非常樂也宋是殷後得用殷樂知桑林是

殷天子之樂名也經典言樂殷為大護而此復云桑

林者蓋殷家本有二樂如周之大武象舞也名為大

護則傳記有說湯以寬政治民除其邪虐言能覆護

下民使得其所故名其樂為大護其曰桑林先儒無說惟書傳言湯伐桀之後大旱七年史卜曰當以人為禱湯乃剪髮斷爪自以為牲而禱於桑林之社而雨大至方數千里或曰禱桑林以得雨遂以桑林名其樂也皇甫謐云殷樂一名桑林以桑林為大護別名無文可馮未能察也

荀瑩辭注辭

讓之荀偃士句曰諸侯宋魯於是觀禮注宋王者後魯以周公故皆用天子禮樂故可觀魯有禘樂賓祭

用之注禘三年大祭則作四代之樂別祭羣公則用

諸侯樂音義

禘大計反疏正義曰明堂位云季夏六月以禘禮祀周公於大廟朱干玉戚

冕而舞大武皮弁素積楊而舞大夏彼禘祭唯用大武大夏而不言韶護以二十九年魯為季札舞四代

之樂知四代之樂魯皆有之明堂位云凡四代之服
器魯兼用之禘是三年大祭禮無過者知禘祭於大
廟則作四代之樂也禮唯周公之廟得用天子之禮
知其別祭羣公則用諸侯之樂諸侯之樂謂時王所
制之樂大武是也然則禘是禮之大者羣公不得與
同而於賓得同禘者賓者敬鄰國之賓故得用大祭
之樂也其天子享諸侯亦同祭樂故大司樂云大祭
祀王出入奏王夏尸出入奏肆夏牲出入奏昭夏大
饗不入牲其他如祭祀鄭注云不入牲不奏昭夏王
出入賓出入亦奏王夏奏肆夏又禮記祭統云大嘗
禘升歌清廟下而管象仲尼燕居云兩君相見亦升
歌清廟下而管象是祭與享賓用樂同也而荀瑩云
我辭禮矣沈氏云嘉樂不野合故也魯之禘祭用四
代樂則天子禘用六代樂也鄭康成義以為禘祫各
異祫大禘小天子祫用六代之樂禘用四代之樂魯
有禘樂謂有周之禘祭之樂非左氏義也劉炫云禘

是大禮賓得與同者享賓用樂禮傳無文但賓禮既輕必異於禘魯以享賓當時之失用之已久遂以為常荀偃士句引過謬之事以諂晉侯使聽宋耳魯以禘樂享賓猶以十一牢為士鞅吳以引徵百牢亦非也

正宋以桑林享君不亦可乎注言俱天子樂也舞師題以旌夏注師樂師也旌夏大旌也題識也以大旌

表識其行列音義

題大兮反夏戶雅反注同識申疏

正義曰舞師樂人之師主陳設樂事者也謂舞初入之時舞師建旌夏以引舞人而入以題識其舞人之首故晉侯卒見懼而退入于房也謂晉侯懼而退入之旌夏蓋形制大而別為之名也

于房注旌夏非常卒見之人心偶有所畏音義

卒寸忽反

去旌卒享而還及著雍疾注晉侯疾也著雍晉地音

義

去起呂反著徐都慮反
一音除慮反雍於用反

卜桑林見注崇見於卜兆

音義

見賢遍反注
同崇息遂反

荀偃士句欲奔請禱焉注奔走還

宋禱謝音義

禱丁
老反

荀瑩不可曰我辭禮矣彼則以之

注以用也猶有鬼神於彼加之注言自當加罪於宋

晉侯有間注間疾差也音義

差初
賣反

以偁陽子歸獻于

武宮謂之夷俘注諱俘中國故謂之夷音義

俘芳
疏夫反

正義曰昭十七年晉荀吳滅陸渾之戎獻俘于文宮
不言謂之夷俘彼真是戎也此言謂之夷俘明非夷

而謂之夷知其諱俘中國改名之也莊三十一年傳
例曰凡諸侯有四夷之功則獻于王中國則否中國
之俘既不合獻王故獻廟亦諱知其
無罪內慙於心故諱之謂之夷俘
偏陽姁姓也使

周内史選其族嗣納諸霍人禮也注霍晉邑內史掌

爵祿廢置者使選偏陽宗族賢者令居霍奉姁姓之

祀善不滅姓故曰禮也使周史者示有王命音義令

呈反下令疏正義曰霍是舊國閔元年晉獻公滅之
在勸令同疏以為晉邑也內史掌爵祿廢置周禮內

史職文也禮天子不滅國諸侯不滅姓其身有罪宜
廢者選其親而賢者更紹立之論語所云興滅國繼

絕世者謂此也晉侯以偏陽之罪不合絕祀故歸諸
天子使周内史選偏陽宗族賢者繼嗣偏陽之後令

居晉之霍邑以奉姁姓之嗣依鄭語及世本皆云偁陽姁姓是祝融之孫陸終第四子求言之後虞夏以來世祀不絕今復繼之善其不滅姓故曰禮也晉侯不自選其人而使周內史者諸侯不得專封示有王命不自專也言納諸霍人者此霍邑或稱霍人猶如晉邑謂之栢人也必知霍人為霍邑者班固漢書樊噲傳云攻霍人是霍人邑名也劉炫云霍晉邑人掌邑大夫猶鄆邑大夫稱鄆人紇蓋使為晉附庸也

師歸孟獻子以秦堇父為右注嘉其勇力生秦丕茲

事仲尼注言堇父以力相尚子事仲尼以德相尚音

義

秦丕茲一本作秦不茲

○六月楚子囊鄭子耳伐宋師于訾

毋注宋地音義

訾子斯反毋音無

庚午圍宋門于桐門注不

成圍而攻其城門○晉荀鑿伐秦報其侵也注侵在

九年○衛侯救宋師于襄牛鄭子展曰必伐衛不然

是不與楚也得罪於晉又得罪於楚國將若之何子

駟曰國病矣注師數出疲病也音義

數所角反
疲音皮

子展

曰得罪於二大國必亡病不猶愈於亡乎諸大夫皆

以為然故鄭皇耳帥師侵衛楚令也注亦兼受楚之

勅命也皇耳皇戌子孫文子卜追之獻兆於定姜姜

氏問繇注繇兆辭音義

繇直疏

正義曰周禮大卜掌
三兆之法一曰玉兆

救反

二曰瓦兆三曰原兆其經兆之體皆百有二十其頌
皆千有二百鄭玄云頌謂繇也是言灼龜得兆其兆
各有繇辭卽下三句是也此傳唯言兆有此辭不知
卜得何兆但知舊有此辭故卜者得據以答姜耳其
千有二百皆此類也此繇辭皆韻古人讀雄與陵
為韻詩無羊正月皆以雄韻蒸韻陵是其事也 曰

兆如山陵有夫出征而喪其雄姜氏曰征者喪雄禦

寇之利也大夫圖之衛人追之孫蒯獲鄭皇耳于犬

丘注蒯孫林父子音義

喪息浪反下同禦
魚呂反蒯苦怪反

○秋七月

楚子囊鄭子耳伐我西鄙注於魯無所恥諱而不書

其義未聞疏

正義曰服虔云不書諱從晉不能服鄭
旋復為楚鄭所伐恥而諱之也杜以從

盟主而不能服叛國於魯未足為恥被伐無所可諱故云其義未聞還圍蕭八月丙寅

克之注蕭宋邑九月子耳侵宋北鄙孟獻子曰鄭其

有災乎師競已甚注競爭競也音義

爭爭鬪之爭下文與之爭同

周猶不堪競况鄭乎注周謂天王有災其執政之三

士乎注鄭簡公幼少子駟子國子耳秉政故知三士

任其禍也為下盜殺三大夫傳音義

少詩照反任音壬

○莒

人間諸侯之有事也故伐我東鄙注諸侯有討鄭之

事音義

間間廁

○諸侯伐鄭齊崔杼使太子光先至

于師故長於滕注太子宜賓之以上卿而今晉悼以

一時之宜令在滕侯上故傳從而釋之音義

長丁丈反

酉師於牛首注鄭地○初子駟與尉止有爭將禦諸

侯之師而黜其車注禦牛首師也黜減損尉止獲又

與之爭注獲囚俘子駟抑尉止曰爾車非禮也注言

女車猶多過制疏

正義曰前已減損其車復云爾車非禮明是仍嫌車多言其過制大

夫之制不知車常幾乘從軍之車未必制有定限

子駟心憎尉止嫌其豪富本意不為過禮制也遂

弗使獻注不使獻所獲初子駟為田洹司氏堵氏侯

氏子師氏皆喪田焉注洫田畔溝也子駟為田洫以

正封疆而侵四族田音義

洫況域反堵音者或丁古反喪息浪反下同疆居良

反疏

正義曰考工記匠人為溝洫耜廣五寸二耜為耦一耦之伐廣尺深尺謂之畹田首倍之廣二

尺深二尺謂之遂九夫為井井間廣四尺深四尺謂之溝方十里為成成間廣八尺深八尺謂之洫方百里為同同間廣二尋深二仞謂之澮然則溝洫俱是通水之路相對大小為異耳皆於田畔為之故云田畔溝也為田造洫故稱田洫此四族皆是富家占田過制子駟為此田洫正其封疆於分有剩則減給他

人故正封疆而侵四族田也小司徒云九夫為井四井為邑四邑為丘四丘為甸四甸為縣四縣為都注云此謂都鄙

故五族聚羣不逞之人因公子之徒以

采地之制也

作亂注八年子駟所殺公子嬰等之黨音義

嬰許其反本亦

作熙又音怡

於是子駟當國注攝君事也子國為司馬子

耳為司空子孔為司徒冬十月戊辰尉止司臣侯晉

堵女父子師僕帥賊以入晨攻執政于西宮之朝注

公宮殺子駟子國子耳劫鄭伯以如北宮子孔知之

故不死注子孔公子嘉也知難不告利得其處也為

十九年殺公子嘉傳音義

難乃旦反處昌慮反

書曰盜言無大

夫焉注尉止等五人皆士也大夫謂卿子西聞盜不

傲而出注子西公孫夏子駟子音義

傲音景夏尸雅反

尸而

追盜注先臨尸而追盜盜入於北宮乃歸授甲臣妾

多逃器用多喪子產聞盜注子國子為門者注置守

門庀羣司注具衆官音義

庀匹婢反

閉府庫慎閉藏完守

備成列而後出兵車十七乘注千二百七十五人音

義

藏才浪反又如字守手又反乘繩證反

尸而攻盜於北宮子驕帥國

人助之殺尉止子師僕盜衆盡死侯晉奔晉堵女父

司臣尉翮司齊奔宋注尉翮尉止子司齊司臣子音

義翻音

子孔當國注代子駟為載書以位序聽政辟

注自羣卿諸司各守其職位以受執政之法不得與

朝政音義

辟婢亦反與音疏正義曰於時鄭伯幼弱

之不得一人獨決子孔性好專權自以身既當國望其

其一聽於己新經禍亂與大夫設盟為盟載之書曰自羣卿諸司以下皆以位之次序一聽執政之法悉

皆稟受成旨不得干與朝政令其權柄在己也大夫諸司門子不順子產謂之專欲難成謂此也服虔云

鄭舊世卿父死子代今子孔欲擅改之使以次先為士大夫乃至卿也若如服言唯當門子恨耳何由大

夫諸司亦不順也子孔若為此法卽是自害其子子孔之子亦當恨何獨他家門子乎焚書倉門則還依舊法舊法若父死子代子產卽應代父何由十九年

始立為卿

大夫諸司門子弗順將誅之注子孔欲誅不順

者子產止之請為之焚書注既止子孔又勸令燒除

載書音義

為于偽反

子孔不可曰為書以定國衆怒而焚

之是衆為政也國不亦難乎注難以至治音義

治直吏反

子產曰衆怒難犯專欲難成合二難以安國危之道

也不如焚書以安衆子得所欲注欲為政也衆亦得

安不亦可乎專欲無成犯衆興禍子必從之乃焚書

於倉門之外衆而後定注不於朝內燒欲使遠近見

所燒○諸侯之師城虎牢而戍之晉師城梧及制注

欲以偏鄭也不書城魯不與也梧制皆鄭舊地音義

吾梧音士魴魏絳戍之書曰戍鄭虎牢非鄭地也言將

歸焉注二年晉城虎牢而居之今鄭復叛故脩其城

而置戍鄭服則欲以還鄭故夫子追書繫之於鄭以

見晉志音義

復扶又反見賢遍反下同

疏

正義曰如此傳文諸侯戍虎牢士魴魏絳戍梧

與制耳其虎牢之內亦應更有晉戍也二年晉城虎牢則虎牢久已屬晉非復鄭有今繫鄭者晉侯之意鄭人若服將歸之焉善晉侯故探其心而繫之鄭也釋例曰虎牢鄭之郊竟晉人既有之矣又城而居之

將以脅鄭鄭畏而強服遇楚而復叛八年之間一南一北至於數四晉悼慮其未已故大城置戍先以示威鄭服之日釋戍而歸之德立刑行故鄭及晉平○能終有鄭國春秋探書其本心善之也

楚子囊救鄭十一月諸侯之師還鄭而南至於陽陵

注還繞也陽陵鄭地音義

還本亦作環戶關反徐音惠注同

楚師不

退知武子欲退曰今我逃楚楚必驕驕則可與戰矣

注武子荀瑩欒黶曰逃楚晉之恥也合諸侯以益恥

不如死我將獨進師遂進己亥與楚師夾潁而軍注

潁水出城陽至下蔡入淮音義

潁音穎

子矯曰諸侯既

有成行必不戰矣注言有成去之志從之將退不從

亦退注從猶服也退楚必圍我猶將退也不如從楚

亦以退之注以退楚宵涉潁與楚人盟注夜渡畏晉

知之欒黶欲伐鄭師注伐涉潁者荀鑿不可曰我實

不能禦楚又不能庇鄭鄭何罪不如致怨焉而還注

致怨為後伐之資音義禦魚呂反庇必利反今伐其師楚必救

之戰而不克為諸侯笑克不可命注勝負難要不可

命以必克音義要一遙反不如還也丁未諸侯之師還侵

鄭北鄙而歸注欲以致怨楚人亦還注鄭服故也○

王叔陳生與伯輿爭政注二子王卿士音義

輿本又作輿音

同王右伯輿注右助音義

右音又注同

王叔陳生怒而出

奔及河王復之注欲奔晉殺史狡以說焉注說王叔

也音義

狡古卯反說音悅注同又如字

不入遂處之注處叔河上晉

侯使士句平王室王叔與伯輿訟焉注爭曲直王叔

之宰注宰家臣與伯輿之大夫瑕禽注瑕禽伯輿屬

大夫坐獄於王庭注獄訟也周禮命夫命婦不躬坐

獄訟故使宰與屬大夫對爭曲直士勾聽之王叔之
宰曰算門閨竇之人而皆陵其上其難為上矣注算
門柴門閨竇小戶穿壁為戶上銳下方狀如圭也言

伯輿微賤之家

音義

算音必閨音圭本亦作圭竇音豆

瑕禽曰昔平

王東遷吾七姓從王牲用備具王賴之而賜之駢旄
之盟注平王徙時大臣從者有七姓伯輿之祖皆在

其中主為王備犧牲共祭祀王恃其用故與之盟使
世守其職駢旄赤牛也舉駢旄者言得重盟不以犬

雞音義

林許營反旄音毛為于偽反共音恭疏正義

姓從王從王之大臣有七姓也瑕禽言伯與之祖是七姓之一言其世貴也其祖為王主備犧牲以共祭祀王家牲用備具王恃賴之言其世有功也平王初遷國家未定故與大臣結盟令使世掌其職也周禮牧人陽祀用騂牲檀弓云周人尚赤牲用騂尚書洛誥云文王騂牛一武王騂牛一諸言騂皆是赤牛則知此騂旄是赤牛也旄謂尾也共旄旗之用故其字從𠂔𠂔者旄旗行而從風偃也曰世世無

失職若簞門閨竇其能來東底乎且王何賴焉注言

我若貧賤何能來東使王恃其用而與之盟邪底至

也音義

底音

今自王叔之相也政以賄成注隨時制

政而刑放於寵注寵臣專刑不任法疏

正義曰刑罰放赦之事在

臣於寵官之師旅不勝其富注師旅之長皆受賂吾能

無算門閨實乎注言王叔之屬富故使吾貧疏

正義曰勝

訓堪也言財多故不可用盡不能堪此富唯大國圖之注圖猶議也下而

無直則何謂正矣注正者不失下之直音義

何或作可誤也

疏

正義曰凡在上正定在下須明在下曲直瑕禽自云已有直理不被上知則是使下無直在上何謂

正矣故云正者不失下之直也劉炫云七年傳云正直為正正曲為直晉斷王朝之獄乃以下正上宣子

若在下而無直心何以謂之為正也勸宣子使心正矣

范宣子曰天子所右寡

君亦右之所左亦左之注宣子知伯與直不欲自專

故推之於王音義

右音又下同左右亦並如字疏正義曰人

便而左不便故以所助者為右不助者為左宣子知伯與直故從王之所助也使王叔氏與

伯與合要注合要辭王叔氏不能舉其契注要契之

辭音義

契苦計反注同疏正義曰周禮鄉士職云辯其獄訟

之為其罪辭如今劾矣彼謂官人畧取罪狀為其要約之辭如今斷事也漢世名斷獄為劾故云如今劾矣此言要辭亦是辭之要約如今辯答也合要者使其各為要約言語兩相辯答伯與辭直王叔無以應之故不能舉其要契之辭也王叔奔晉不書不告也單靖公為卿

士以相王室注代王叔

經十有一年春王正月作三軍注增立中軍萬二千五

百人為軍疏

正義曰昭五年云舍中軍明此年作而彼年舍故知舊有二軍今增立中軍也然則

正是作中軍耳而云作三軍者傳言三子各毀其乘則舊時屬己之乘毀之以足成三軍是舊軍盡廢而全改作之故云作三軍也杜見其以二改三復據彼中軍之文故言增立中軍耳萬二千五百人為軍周禮夏官序文

夏四月四卜郊不從乃不郊注無傳疏

正義曰此四月四卜與僖三十

一年文同蓋亦三月三卜而四月又一卜也止言不郊不云免牲免牛蓋不以其體免直使歸其本牧而已故

不書也

鄭公孫舍之帥師侵宋

公會晉侯宋公衛侯曹伯齊世子光莒子邾子滕子薛

伯杞伯小邾子伐鄭注世子光至復在莒子之先故晉

悼亦進之音義

復扶又反

疏

正義曰劉炫以為序莒上者直是先至非為先莒今知不然者

往年傳云齊大子光先至于師故長於滕是前經為先滕至序在滕子之上今經序在莒子之先明知亦先莒而至也若非先莒而至唯當還序滕子上耳劉炫無所依馮直云先至更長之而規杜氏非也

秋七月己未同盟于亳城北注亳城鄭地伐鄭而書同

盟鄭與盟可知音義

毫蒲洛反徐扶各反與音預

公至自伐鄭注無傳

楚子鄭伯伐宋

公會晉侯宋公衛侯曹伯齊世子光莒子邾子滕子薛伯杞伯小邾子伐鄭注晉遂尊光會于蕭魚注鄭服而諸侯會蕭魚鄭地

公至自會注無傳以會至者觀兵而不果侵伐疏

正義曰劉

炫云杜釋例自言事勢相接或以始致或以終致是時史異辭何為此注而云不果侵伐今知劉說非者凡云

或以始致或以終致皆據實有伐事今據傳文云觀兵于鄭東門是則實無伐事故云不果侵伐劉不達此意而規杜非也

楚人執鄭行人良霄注良霄公孫輒子伯有也音義霄

音消

冬秦人伐晉

傳十一年春季武子將作三軍注魯本無中軍唯上

下二軍皆屬於公有事二卿更帥以征伐季氏欲專

其民人故假立中軍因以改作音義

更音庚

疏

正義曰以昭五

年舍中軍知此時作者作中軍是魯本無中軍也以
閔元年晉侯作二軍謂之上軍下軍知魯有二軍亦
名上下軍也此言請為三軍各征其軍知往前二軍
皆屬公也明其有事則二卿更互帥之以征伐耳三
卿不得專其民也此時襄公幼弱季氏世秉魯政因
公之少欲專其民故假立中軍因以改作也禮明堂
位云成王封周公於曲阜地方七百里其時必有三
軍也詩魯頌閟宮頌僖公能復周公之宇云公徒三
萬鄭玄云大國三軍合三萬七千五百人言三萬者
舉成數也則僖公復古制亦三軍矣蓋自文公以來
霸主之令軍多則貢事多自減為二軍耳非是魯眾
不滿三軍也若然昭五年舍中軍書之於經往前若
減一軍亦應書之而經不書者作三軍與舍中軍皆
是變故改常卑弱公室季秉國權專擅改作以故史
特書之耳若國家自量疆弱其軍或減或益國史不
須書也何則僖公復古始有三萬則以前無三萬矣

僖公作亦不書何怪舍不書也蘇氏亦云僖公之時實有三軍自文以後舍其一軍不書者非是故有所舍故不書蘇氏又云鄭注詩公徒三萬以為三軍鄭答臨碩之問云公徒三萬為二軍者鄭隨問而答當以詩箋為正蘇氏又云蒐于紅草車千乘所以今不滿三軍者以當時采地衆多公邑民少故不能滿三軍三子各毀其乘以足之與前解奧也周禮小司徒云凡起徒役無過家一人是家出一人故鄉為一軍天子六軍出自六鄉則大國三軍出自三鄉其餘公邑采地之民不在三軍之數季武子今為三軍則異於是矣以魯國屬公之民皆分為三亦謂之三軍其軍之民不啻一萬二千五百家也何則魯國合竟之民屬公者豈唯有三萬七千五百家乎明其決不然矣由此言之此作三軍與禮之三軍名同而實異也春秋之世兵革遽興出軍多少量敵彊弱勦寇未息卒士盡行士卒之數無復定準成二年鞍之戰晉車

八百乘計有六萬人唯三卿帥之昭十三年平丘之會晉叔向云寡君有甲車四千乘在計四千士卒成二十四軍爾時晉國唯立三軍則甲車四千屬三軍耳其軍豈止一萬二千五百人乎昭八年魯蒐于紅傳稱草車千乘千乘之衆充三軍之數明知此分合竟之民以為三軍軍之所統其數異於禮也何休膏育以為左氏說云尊公室休以為與舍中軍義同於義左氏為短鄭康成箴云左氏傳云作三軍三分公室各有其一謂三家始專兵甲卑公室云左氏說者尊公室失左氏意遠矣義符杜說也

告叔孫

穆子曰請為三軍各征其軍注征賦稅也三家各征

其軍之家屬音義

銳稅舒反疏正義曰周禮大司徒以土均之法制天下之地征王

制云市廛而不稅關譏而不征經典之文通謂賦稅為征故云征賦稅也往新民皆屬公公稅其民以分

賜虜臣今武子欲令民即屬己己所應得自稅取之
恐穆子不從故先言之請分國內之民以為三軍三
家各自征稅其軍之家屬冀望穆子亦便於己而從
其計也言軍之家屬者丁壯從軍者官無所稅其家
屬不入軍者乃稅之耳 穆子曰政將及子子必不能注政者霸

國之政令禮大國三軍魯次國而為大國之制貢賦

必重故憂不能堪疏

正義曰於時天子衰微政在霸主霸主量國大小責其貢賦若

不為三軍則是次國若作三軍則為大國大國之制
貢賦必重故云霸主重貢之政將及於子子必不能
堪之憂其不能堪之言三軍不可為也魯為三軍二
軍國之大小同耳但作三軍則自同大國自同大國
則霸主必依大國責其貢重也 武子固請之穆子曰然則盟諸注穆

子知季氏將復變易故盟之音義復扶又反乃盟諸僖閔

注僖宮之門音義

閔音宏

疏

正義曰釋宮云衙門謂之閔孫炎曰巷舍間道也李

巡曰閔巷頭門也以此知僖閔是僖公之廟門也

詛諸五父之衢注五父衢

道名在魯國東南詛以禍福之言相要音義

詛側慮反父音

甫衢其俱反要一遙反

正月作三軍三分公室而各有其一注

三分國民衆三子各毀其乘注壞其車乘分以足成

三軍音義

乘繩證反注及下並同壞音怪足將住反亦如字

疏

正義曰住前民皆屬公國

家自有二軍若非征伐不屬三子故三子自以采邑之民以為己之私乘如子產出兵車十七乘之類是

其私家車乘也。今既三分公室，所分得者即是。已有不煩更立私乘，故三子各自毀壞舊時車乘，部伍分以足成三軍也。壞者壞其部伍將領也。令使各自屬其軍，不復立私乘，故也。

季氏使其乘

之人，以其役邑入者，無征。注：使軍乘之人率其邑役

入季氏者，無公征。不入者，倍征。注：不入季氏者，則使

公家倍征之，設利病欲駢使入己，故昭五年傳曰：季

氏盡征之，民辟。倍征，故盡屬季氏。

疏：正義曰：其乘之人，即所分得者。

國內三分有一之人也。役謂共官力役，則今之丁也。邑謂賦稅，若今之租調也。以其役之與邑皆來入季氏者，則無公征也。若不以入季氏者，則使公家倍征之，當輸一而責其二也。設利害以懼民，政之使入己。

耳民畏倍征故盡歸季氏所分得者無一入公也知
邑是賦稅者以言役邑入則役之與邑皆從民而入
官也從民入官唯在力役與賦稅耳故知邑是賦稅
也賦稅而謂之邑者賦稅所入若私邑然故以邑言
之孟氏使半為臣若子若弟注取其子弟之半也四

分其乘之人以三歸公而取其一叔孫氏使盡為臣

注盡取子弟以其父兄歸公疏

正義曰昭五年傳追說此事云季氏盡征

之叔孫氏臣其子弟孟氏取其半焉叔孫氏臣其子弟不臣父兄謂取二分而二歸公也孟氏取其半又如叔孫所取其中更取其半又以半歸公謂取一分而三歸公也彼傳順序此文顛倒傳意以叔孫為主而先說孟氏言孟氏如叔孫所得使其半為己之臣叔孫所得子弟與弟也此孟氏若子若弟是子弟中課

取其一又分半以歸公也叔孫使子弟盡為己臣唯以父兄歸公耳不然不舍注制軍

分民不如是則三家不舍其故而改作也此蓋三家

盟詛之本言音義

捨音

疏

正義曰如上所分三家所得又各分為四季氏盡取

四分叔孫取二分而二分歸公孟氏取一分而三分歸公分國民以為十二三家得七公得五也舍謂舍故也制三軍分國民若不如是則三家不肯舍其故法而別改作也使盡為臣以上是序事之辭不然不舍一句是要契之語故云此蓋三家盟詛之本言盟詛本言必應詳具但史家畧取其意而為之立文不復如本

辭耳

○鄭人患晉楚之故諸大夫曰不從晉國幾

亡注幾近也音義

幾音機注同徐音畿

楚弱於晉晉不吾疾也

注疾急也晉疾楚將辟之何為而使晉師致死於我
注言當作何計楚弗敢敵而後可固與也注固與晉
也子展曰與宋為惡諸侯必至吾從之盟楚師至吾
又從之則晉怒甚矣晉能驟來楚將不能吾乃固與
晉大夫說之使疆場之司惡於宋注使守疆場之吏
侵犯宋音義說音悅疆居良反宋向戌侵鄭大獲子
展曰師而伐宋可矣若我伐宋諸侯之伐我必疾吾
乃聽命焉且告於楚楚師至吾又與之盟而重賂晉

師乃免矣注言如此乃免於晉楚之難

音義難乃夏旦反

鄭子展侵宋注欲以致諸侯○四月諸侯伐鄭已亥

齊大子光宋向戌先至於鄭門於東門注傳釋齊太

子光所以序莒上也向戌不書宋公在會故其莫晉

荀鑒至于西郊東侵舊許注許之舊國鄭新邑音義

莫音暮疏

正義曰昭十二年傳楚子云我皇祖伯父昆吾舊許是宅鄭人貪賴其田而不我與是舊

許為鄭邑也謂之舊許明是許之舊國許南遷而鄭得之衛孫林父侵其北鄙六

月諸侯會于北林師于向注向地在潁川長社縣東

北音義

向舒亮反

右還次于瑣注北行而西為右還滎陽

苑陵縣西有瑣候亭音義

瑣素果反苑於阮反又於元反

圍鄭觀兵

于南門注觀示也西濟于濟隧注濟隧水名音義

濟隧

上子禮反下音遂

鄭人懼乃行成秋七月同盟于亳范宣子

曰不慎必失諸侯注慎敬威儀謹辭令諸侯道敝而

無成能無貳乎注數伐鄭皆罷於道路音義

數所角反罷音

皮乃盟載書曰凡我同盟毋蒞年注蒞積年穀而不

分災音義

母音無下皆同蒞紆粉反

毋壅利注專山川之利音義

壅於勇反母保姦注藏罪人毋留慝注速去惡音義慝他得反

下同去起呂反救災患恤禍亂同好惡獎王室注獎助也音

義好惡竝如字或讀上呼報反下惡路反獎將文反或間茲命司慎司盟名

山名川注二司天神音義問問廁之間茲命本或作茲盟誤疏正義曰盟

告諸神而先稱二司知其是天神也覲禮諸侯覲於天子為宮方三百步壇十有二尋深四尺加方明于其上上方明者木也方四尺設六色青赤白黑玄黃設六玉圭璋璜璚璧琮公侯伯子男皆就其旂而立天子祀方明禮日月四瀆山川丘陵彼文雖不言盟其所陳設盟之禮也鄭玄云方明者上下四方神明之象也會同而盟明神監之則謂之天之司盟有象者猶宗廟之有主乎天子巡守之盟其神主曰諸侯之

盟其神主山川王官之伯會諸侯而盟其神主月是
言盟之所告告天神也鄭云神監之謂之司盟司盟
非一神也其司慎亦不知指斥何神但在山川之上
知其是天神耳名山山之有名者謂五嶽四鎮也名
川謂四
瀆也 羣神羣祀注羣祀在祀典者先王先公注先

王諸侯之大祖宋祖帝乙鄭祖厲王之比也先公始

封君音義

大音泰凡大祖大廟大
宮皆放此比必利反

七姓十二國之祖

注七姓晉魯衛鄭曹滕姬姓邾小邾曹姓宋子姓齊

姜姓莒已姓杞姒姓薛任姓實十三國言十二誤也

音義

已音紀或音杞任音壬

疏

正義曰十三國為七姓世本世家文也姬即次曹意及則言不

以大小為次也實十三國而言十二服虔云晉主盟不自數知不然者案定四年祝佗稱踐土之盟云晉重魯申於是晉為盟主自在盟內何因晉今主盟乃不自數故知字誤也劉炫難服虔云案宣子恐失諸侯謹慎辭令告神要人身不自數已明神殛之注殛

誅也音義

殛紀力反注同

俾失其民隊命亡氏踣其國家注

踣斃也音義

俾本又作卑必爾反隊直類反踣蒲北反徐又數豆反斃婢世反

○楚

子囊乞旅于秦注乞師旅於秦秦右大夫詹帥師從

楚子將以伐鄭鄭伯逆之丙子伐宋注鄭逆服故更

伐宋也秦師不書不與伐宋而還音義

詹之庶反與音預

○

九月諸侯悉師以復伐鄭注此夏諸侯皆復來故曰

悉師音義

復扶又反注同

鄭人使良霄大宰石奭如楚告將

服于晉曰孤以社稷之故不能懷君君若能以玉帛綏晉不然則武震以攝威之孤之願也楚人執之書

曰行人言使人也注書行人言非使人之罪古者兵

交使在其間所以通命示整或執殺之皆以為讖也

既成而後告故書在蕭魚下石奭為介故不書音義

奭勅畧反攝如字又之涉疏

正義曰釋例曰使以行言言以接事信令之要

於是乎在舉不以怒則刑不濫刑不濫則兩國之情
得通兵有不交而解者皆行人之勲也是以雖飛矢
在上走驛在下及其末節不統大理遷怒肆忿快意
於行人譬諸豺狼求食而已傳曰鄭人使伯蠲行成
晉人殺之非禮也兵交使在其間可也故夫子特顯
行人之文行人有六而傳發其三者因良霄以顯其
稱行人之事因于徵師以示其非罪因叔孫婼以同
外內大夫則餘三人皆隨例而為義也諸以行人為
名通及外內以卿出使義取於非其罪也若濤塗寧
喜之屬罪在其身鄭叔詹魯行父之等以執政受罪
本非使出故不稱行人從實而書皆以罪之也鄭祭
仲之如宋也非會非聘與於見誘而以行人應命不
能死節挾偽以篡其君故經不稱行人以罪之也是
言罪之故不稱行人則稱行人者皆無罪也鄭人先
遣告楚乃從諸侯故傳在會先也經在會
後既成而後告執故書執在蕭魚會下
○諸侯之

師觀兵于鄭東門鄭人使王子伯駢行成甲戌晉趙

武入盟鄭伯冬十月丁亥鄭子展出盟晉侯注二盟

不書不告十二月戊寅會于蕭魚注經書秋史失之

疏

正義曰會于蕭魚經雖無月但會下有冬故以為會
在秋也傳言日月次第分明是經謬史官失之

也庚辰赦鄭囚皆禮而歸之納斥侯注不相備也音

義

斥徐音尺一音昌夜反

禁侵掠晉侯使叔盱告于諸侯注叔

盱叔向也告諸侯亦使赦鄭囚音義

掠音亮盱許乙反向許丈反

公使臧孫紇對曰凡我同盟小國有罪大國致討苟

有以藉手鮮不赦宥寡君聞命矣注言晉討小國有

藉手之功則赦其罪人德義如是不敢不承命音義

藉在夜反注同鮮
息淺反宥音又 ○鄭人賂晉侯以師悝師觸師蠲

注悝觸蠲皆樂師名音義
悝苦回反觸古疏正義曰
樂師稱

師下稱賂以樂知此三人皆樂師悝觸蠲是其名也

服虔見下有鐘罇磬即云三師鐘師罇磬師謂悝能

鐘觸能罇罇能磬也然則鄭人以師茂師慧賂宋者

又能鐘乎能罇乎三師必是能鐘磬者要不可即以

名次配
言之 廣車輶車淳十五乘甲兵備注廣車輶車皆

兵車名淳耦也音義

廣古曠反輶徒溫反淳迷倫反
徐又之倫反乘繩證反下及注

同疏

正義曰皆是兵車而別為之名蓋其形制殊用處異也鄭玄云廣車橫陳之車也服虔云輶車

屯守之車也或可因所用遂為名及其用之亦無常也射禮數射箕二算為純一算為奇是淳為耦也

凡兵車百乘注

他兵車及廣輶共百乘疏

正義曰偏見服本皆

云淳十五乘則凡兵車百乘者更合言輶廣或輶廣之外別有百乘杜本淳十五乘更以他兵車七十乘增輶廣共為百乘耳知非輶廣之外更有百乘而云兼輶廣者以上既言廣車輶車下云凡兵車百乘言凡是總攝之辭故知總上輶廣也若然直言兵車百乘於理自足上別云廣車輶車者以廣車輶車甲兵備足自外之車甲兵不備又別有車名非輶廣也

歌鐘二肆注肆列也縣鐘

十六為一肆二肆三十二枚音義

肆音四疏正義曰以肆為

列者鐘磬皆編縣之在簨虞而各有行列也周禮小
胥云凡縣鐘磬半為堵全為肆鄭玄云鐘磬者編縣
之二八十六枚而在一虞謂之堵鐘一堵磬一堵謂
之肆半之者謂諸侯之卿大夫士也諸侯之卿大夫
半天子之卿大夫西縣鐘東縣磬士亦半天子之士
縣磬而已如鄭彼言鐘與磬全乃成為肆此傳於鐘
卽言肆者十六枚而在一虞古今皆同其虞不可分
也虞不可分而云有全有半明如鄭言鐘磬相對肆
為全單為半此傳言歌鐘二肆則兼有磬矣若其無
磬不得成肆杜以傳唯云歌鐘故但解鐘數云三十
二枚其磬數亦同矣此二肆皆為編縣也下云及其
鐻磬者鐻是大鐘磬是大磬皆特縣之非編縣也據
鄭玄禮圖如此也言歌鐘者歌必先金奏故鐘以歌
名之晉語孔晁注云歌鐘鐘以節歌也劉炫云傳言
歌鐘二肆及其鐻磬則鐻磬亦二肆肆之為名實由
鐘磬相對但傳於磬下不復更言其數於鐘則言二

肆明鑄磬數與之同乃成肆若磬無二肆則半賜魏絳無磬矣安得有金石也知色別名三十二枚也歌

必先云

及其鑄磬注鑄磬皆樂器音義

博鑄音

女樂二

八注

十六人晉侯以樂之半賜魏絳曰子教寡人和

諸戎狄以正諸華注在四年八年之中九合諸侯如

樂之和注

九合諸侯謂五年會戚又會城棣救陳七

年會鄆八年會邢丘九年盟于戲十年會柎又伐鄭

成虎牢十一年同盟亳城北又會蕭魚疏

正義曰服虔云八年

從四年以來至十一年也九合諸侯者五年會于戚一也其年又會于城棣救陳二也七年會于鄆三也

八年會于邢丘四也九年會于戲五也十年會于祖
六也又成鄭虎牢七也十一年同盟于亳城北八也
又會于蕭魚九也晉語說此事云於今八年七合諸
侯孔晁云不數救陳與成鄭虎牢餘為七也如樂之
和謂諸侯和同如無所不諧注諧亦和也請與子樂
樂之相應和也

之注共此樂音義

樂音洛一音岳注同

辭曰夫和戎狄國之福

也八年之中九合諸侯諸侯無慝君之靈也二三子

之勞也臣何力之有焉抑臣願君安其樂而思其終

也詩曰樂旨君子殿天子之邦注詩小雅也謂諸侯

有樂美之德可以鎮撫天子之邦殿鎮也音義

殿都遍反

注及下同

樂旨君子福祿攸同注攸所也便蕃左右亦是

帥從注便蕃數也言遠人相帥來服從便蕃然在左

右音義

蕃音煩注同數所角反

疏

正義曰詩小雅采芣之篇也旨美也言樂美之德君子以

有樂美之德可以鎮撫天子之邦國也以有樂美之德政故為福祿之所同歸也既能鎮邦國受福祿雖復疏遠之人便蕃然數來在其左右亦於是相帥而來從之也夫樂以安德注和其

心也義以處之注處位以義禮以行之注行教令信

以守之注守所行仁以厲之注厲風俗而後可以殿

邦國同福祿來遠人所謂樂也注言五德皆備乃為

樂非但金石書曰居安思危注逸書思則有備有備
無患敢以此規注規正公公曰子之教敢不承命抑
微子寡人無以待戎注待遇接納不能濟河注渡河
南服鄭夫賞國之典也藏在盟府注司盟之府有賞

功之制疏

正義曰周禮司盟會同則掌其盟約之載既盟則貳之貳之者寫兩本盟書一埋盟

處一藏盟府也唯言會同之盟不掌功勲之事而得有賞功之制者僖五年傳曰虢仲虢叔為文王卿士勲在王室藏於盟府是司盟之府掌藏功勲典策故有賞功之制也

不可廢也子其受

之魏絳於是乎始有金石之樂禮也注禮大夫有功

則賜樂疏

正義曰以魏絳蒙賜始有金石之樂知未賜不得有也賜之而云禮也知禮法得賜

之也周禮小胥云大夫判縣士特縣鄉飲酒禮云笙入堂下磬南北面鄉射禮云縣于洗東北西面喪大記云疾病君大夫徹縣是大夫得有鐘磬之樂有功乃賜之正禮也維言魏絳有金石之樂不言女樂女樂房中私宴之樂或不以賜之 ○秦庶長鮑庶長武帥師伐晉以救

鄭注庶長秦爵也不書救鄭已屬晉無所救音義

丁長

大反下及注同鮑步卯反

鮑先入晉地士魴禦之少秦師而弗設

備壬午武濟自輔氏注從輔氏渡河音義

禦魚呂反後放此

與鮑交伐晉師已丑秦晉戰于櫟晉師敗績易秦故

也注不書敗績晉恥易秦而敗故不告也櫟晉地音

義

櫟力的反徐失灼反易以豉反

經十有二年春王三月莒人伐我東鄙圍台注琅邪費

縣南有台亭音義

台勅才反又音臺一音翼之反

季孫宿帥師救台遂

入鄆注鄆莒邑音義

鄆音運

夏晉侯使士魴來聘

秋九月吳子乘卒注五年會於戚公不與盟而赴以名

音義

與音預疏

正義曰劉炫云杜於五年注以為公及其盟還而不以盟告廟也今注云會於戚公

不與盟而赴以名何為兩注自相矛盾今知劉難非者以臧盟經既不書公之與否又傳無其事杜弘通其義故謂兩解劉不尋杜旨而規其過非也

冬楚公子貞帥師侵宋

公如晉

傳十二年春莒人伐我東鄙圍台季武子救台遂入

鄆注乘勝入鄆報見伐取其鐘以為公盤○夏晉士

魴來聘且拜師注謝前年伐鄭師○秋吳子壽夢卒

注壽夢吳子之號臨於周廟禮也注周廟文王廟也

周公出文王故魯立其廟吳始通故曰禮音義

臨力蔭反

下疏

正義曰杜以下文周廟尊於周公之廟知是文王廟也以鄭祖厲王立所出王廟知為周公出

文王故魯立其廟也哀二年蒯賁禱云敢昭告皇祖文王衛亦立文王廟也郊特牲曰諸侯不敢祖天子

大夫不敢祖諸侯而公廟之設於私家非禮也而諸侯得立王廟者彼謂無功德非王命而輒自言之則

為非禮魯衛有大功德王命立之是其正也鄭祖厲王亦然此是常禮特於吳子而傳發例者以吳始通

公能體禮故凡諸侯之喪異姓臨於外注於城外向於此言禮也

其國音義

向或作嚮許亮反

疏

正義曰禮奔喪之記云哭父之黨於廟母妻之黨於寢師

於廟門外朋友於寢門外所識於野張帷此傳言同於外與彼於野同於城外向其國張帷而哭之耳

姓於宗廟注所出王之廟疏

正義曰此卽周廟也但發大例意通古今故不

復斥言周耳其實於周之世亦周廟也異姓之國無所出王之廟者其哭同姓必不得同諸異姓亦當於

祖廟同宗於祖廟注始封君之廟同族於禰廟注父廟

也同族謂高祖以下音義

禰乃禮反

是故魯為諸姬臨於

周廟注諸姬同姓國音義

為于偽反下皆同

為邢凡蔣茅胙

祭臨於周公之廟注卽祖廟也六國皆周公之支子

別封為國共祖周公音義

邢音刑蔣將丈反案富辰所稱邢在蔣下今傳在凡

上未知何者為是茅亡交反胙才故反祭側界反徐又如字

○冬楚子囊秦庶長

無地伐宋師于楊梁以報晉之取鄭也注取鄭在前

年梁國睢陽縣東有地名楊梁音義長丁丈反下同○靈王

求后于齊齊侯問對於晏桓子桓子對曰先王之禮

辭有之天子求后於諸侯諸侯對曰夫婦所生若而

人注不敢譽亦不敢毀故曰若而人音義譽音餘又如字妾

婦之子若而人注言非適也音義適丁歷反無女而有姊

妹及姑姊妹疏正義曰釋親云父之姊妹曰姑樊光曰春秋傳云姑姊妹然則古人謂姑

為姑姊妹若父之姊為姑姊父之妹為姑姊妹列女傳梁有節姑妹入火而救兄子是謂父妹為姑妹也後

人從省故單稱為姑也古人稱祖父近世單稱祖亦此類也

則曰先守某公之遺

女若而人齊侯許昏王使陰里結之注陰里周大夫

結成也為十五年劉夏逆王后傳音義

守手又反夏戶雅反

○

公如晉朝且拜士魴之辱禮也注士魴聘在此年夏

嫌君臣不敵故曰禮也○秦嬴歸于楚注秦景公妹

為楚共王夫人音義

嬴音盈

楚司馬子庚聘于秦為夫

人寧禮也注子庚莊王子午也諸侯夫人父母既沒

歸寧使卿故曰禮疏

正義曰此事不見於經而傳自廣記備言以明禮之事耳楚共

王以成元年即位秦嬴歸楚蓋應多年傳因子庚之聘發其歸楚非此年歸而即使歸寧案昭元年秦鍼奔晉傳云其母曰弗去懼選鍼則景公之弟昭元年其母猶在此注云父母既沒歸寧使卿者父母並在則身自歸寧若父沒母存身不自歸則亦使卿寧也杜云父母既沒連言之耳

春秋左傳注疏卷三十一

春秋左氏傳注疏卷三十一考證

會吳于柤注柤楚地○

臣召南

按此時楚地恐尚不及

淮北若果係楚地晉宋諸國安得會吳于此乎杜云
楚地由後邈前之稱也後漢郡國志彭城國傳陽有
柤水即此柤也前志楚國傳陽故偃陽國是柤即近
偃陽之地既會于柤即滅偃陽耳傳陽故縣在今嶧
縣南柤即嶧縣泖口也

遂滅偃陽注今彭城傳陽縣也○傳監本訛作傳今改

正

公會晉侯宋公衛侯曹伯莒子邾子齊世子光滕子薛伯杞伯小邾子伐鄭疏言誓者明天子既命以為之嗣也○明監本訛作用今改正

傳耶人紇挾之以出門者○耶監本作聊注疏同臣浩

按聊落蕭切耶側鳩切與鄒鄒同亦作陬取右偏旁卽置之左即陬也各本以字畫相似而誤今改正

傳魯有禘樂賓祭用之疏禘是禮之大者羣公不得與

同而於賓得同禘者賓者敬鄰國之賓故得用大祭

之樂也○

臣召南

按賓者二字應是衍文

傳生秦丕茲○

臣召南

按丕茲即秦商也史記孔子弟

子傳秦商字子丕鄭康成曰子丕楚人家語七十二

弟子解曰秦商魯人字不慈家語是也丕字訛不茲

字訛慈耳鄭以為楚人非也

傳楚子囊鄭子耳伐我西鄙○趙汭補注曰伐我無不

書之理楚鄭志在圍蕭以退為進故史不書

傳王叔與伯輿訟焉○趙汭曰傳見周衰至使晉大夫
聽王卿士之訟

作三軍○萬斯大學春秋隨筆曰晉將中軍者稱元帥
諸卿聽焉季宿心醉久矣魯向惟公室二軍有事則
命卿分將季氏雖強權未盡屬忽作三軍名則三家
分將實則專領中軍使政權盡歸己也

會于蕭魚○程子曰晉悼公推至誠以待人自此鄭不
背晉者二十四年劉敞曰鄭伯如會歟則宜以如會

書乞盟歟則宜以乞盟書今一皆沒之獨稱會何哉
美悼公之服鄭信義著于諸侯非一日之積也

傳季武子將作三軍疏勅冠未息○勅監本訛作就今
改正

傳政將及子子必不能○顧炎武日知錄曰言魯國之
政將歸于季孫以一軍之征而供霸國之政令將有
所不給則必改作其後四分公室季氏擇二蓋亦不
得已之計叔孫固已豫見之矣

傳其莫晉荀瑩至于西郊東侵舊許疏楚子云我皇祖
伯父昆吾舊許是宅○監本脫皇祖二字各本皆同
今以昭十二年傳原文添

傳楚子囊乞旅于秦○臣浩按他處俱云乞師惟此傳
言乞旅注亦未明言其故

傳臨于周廟禮也疏魯衛有大功德王命立之是其正
也○臣召南按諸侯不得祖天子自是正禮魯之有

周廟乃後人僭立託言王命所賜耳不得謂之正也

劉敞曰魯君僭而立周廟三家僭而立公廟左氏不知遂真謂禮豈不誤哉凡諸侯之喪異姓臨於外同姓於祖廟同宗於禰廟於義足矣此論甚確

傳靈王求后于齊注不敢譽亦不敢毀故曰若而人○而監本訛作如今改正

春秋左氏傳注疏卷三十一 考證